

# ዮሃንሳው ዬዳ ሳፃ ጌሉዋ

ዮሃንሳው ዬዳ ሳፃይ ፃፊቱዳዌ፣ አማኒያ አሳቱ ዬሱሲ ኪሪስቶስ ባሬንቱ ጎዳ ኡዲዳ፣ ጌሻቴላን ዴዔዳ ዲራው፣ ኡንቱንታ ሜቱኔ ዋዪ ጋኬዳ ዋዲያና። ፃፊያ ሁጹ ቆፋይ፣ ናባቢያዋንቱ ሂዶታይ ኩሜንሳ ጊዳናዳን፣ ኡንቱንታ ሜንሌላናሳኔ ባሬንታ ጋኬዳ ዬዴሳኔ ሜቱዋ ጊዶን ባሬንቱ አማኑዋን ሚናናዳን፣ ኡንቱንታ ሚኒሳናሳ።

ማፃፋ ጊዶን ዳሪያ ባጋይ ዳራኔ ካሊ ካሊዴ ቆንጨዳ ሳፃቱዋ ኦይቄዳዋ። ሳፃቱዋ ሄ ላይላን ዴዔዳ አማኒያ አሳሲ ጌሊያዋንታ። ሽን ሃራቱዋሲ ፀራ ጊዲዳ ቆንጨና ሃሳያን ሸቄዲና። ማዚሙሪያ አዘማቺ ዛሬሌቲያዋዳን፣ ሃ ማፃፋ ጊዶን ዴዔዳ ሁጹ ዬዋቱዋ ዲማ ዲማ ሳፃቱዋ ባጋና ዲማ ዲማ ማላኒኔ ዲማ ዲማ ሚሲሊያ ፓይዳቱዋን ዛሪ ዛሪዴ ሸቄዲና። ሃ ማፃፋ ፃሊያዋን ዲማ ዲማ ቆፋይ ዴፖፔኔ አው ጊዶ ቆፋይ ቆንጨ። ሄዌኔ፣ «ፆሳይ ጎዳ ጊዴዳ ኪሪስቶስ ባጋና ላዔሌና ሃኖታን፣ ባሬ ዋርኬቱዋ፣ ሴፃናናካ ኢቲፔ፣ ኢቲ ጌዴ ዉርሴላ ፆኑዋ ፆናና። ፖሌዳዋፔ ጉዪያን ባሬው አማኔቲዴ ዴዔዳ፣ ባሬ ባጋቱዋ ኦራላ ሳሉዋኔ ኦራላ ሳዓ አንጂዋ ላቲሳና» ያጊያዋ።

## ሸምፓቱዋ ኡባቱዋሲ አሜቲዳ ቃንሳ ቆፋቱዋ

- ጌሉዋ (1:1-8)
- ሳፃ ደያኔ ላፑ ዋሳ ጎሌቶ ኪቲቲዳ ኪታ (1:9-3:22)
- ማፃፋኔ ላፑ ማታፋቱዋ (4:1-8:1)
- ላፑ ማልካታቱዋ (8:2-11:19)
- ዳዊያኔ ላዑ ሜሄቱዋ (12:1-13:18)
- ዳማ ዲማ ሳፃቱዋ (14:1-15:8)
- ፆሳ ሃንቁዋ ላፑ ፀዓቱዋ (16:1-21)
- ባቢሎኔ ባሻ፣ ዲዓ፣ ዋርዶ ናቢያኔ ሴፃናይ ፆኔቲያዋ (17:1-20:10)
- ዉርሴላ ፒርዳ (20:11-15)
- ኦራላ ሳሉዋ፣ ኦራላ ሳዓኔ ኦራላ ዬሩሳላም (21:1-22:5)
- ዉርሴላ ቁቲያ (22:6-21)

1 ኤሌሊ ሃናናው ቤሲያዋ ባሬ ኦሳንቻቱዋ ቤሳና ማላ፥  
 ያሳይ ዩሱሲ ኪሪስቶሳው ኢሜዳ ሳፃይ ሃዋ፤ ዩሱሲ ባሬ  
 ኪታንቻ ኪቲዳ፥ ሃ ሳፃ ባሬ ኦሳንቻ ዮሃንሳ ኤሪሴዳ። 2 ዮሃንሲ  
 ቤዒዴ ቱማቴላን ኦዴዳ ኡባብይ፥ ያሳ ቃላኔ ዩሱሲ ኪሪስቶሳ  
 ማርካቴላ። 3 ሃ ማፃፋ ናባቢያ ኡራይ \* ኣንጄቴዳዋ፤ ቃሲ ሃ  
 ቲሞቢቲያ ማፃፋ ሲሲያዋንቱኔ ሃ ማፃፋን ፃፊቴዳዋ ናጊያዋንቱ  
 ኣንጄቴዳዋንታ፤ ኣዪሲ ሳፐ፥ ሃ ዩዉ ፖሊታናው ዋዲ ማታቴዳ።

**ኢሲያን ዴዒያ ላፑ ዋሳ ጎሌቱዋሲ ኪቲቴዳ ሳርታ**

4 ታኒ ዮሃንሲ፥ ኢሲያ ጋዲያን † ዴዒያ ላፑ ዋሳ ጎሌቶ ያጋይ፤  
 ካሴ ዴዒያ ያሳፐ፥

ሃዒካ ዴዒያ ያሳፐ፥

ሲንላፐካ ያና ያሳፐ፥

ቃሲ ኣ ካዉቲላ ኦይዲያ ሲንላን

ዴዒያ ላፑ ኣያናቱዋፐ፥

ኣጵ ኬካቴላይኔ ሳርቴላይ

ሂንቴንቱሲ ጊዶ።

5 ቃሲ ኣማኔቴዳ ማርካ፥

ሃይቁዋፐ ኮይሮ ዴንዴዳ

ናዓፐ፥

ሳዓ ካታቱዋ ሞዲያ

ዩሱሲ ኪሪስቶሳፐ

ኣጵ ኬካቴላይኔ ሳርቴላይ

ሂንቴንቱሲ ጊዶ።

ኢ ኑና ሲቄኔ

ቃሲ ኑ ናጋራ ኣይሌቴላፐካ

ባሬ ሱላን

ኑና ኬሴዳ።

6 ኑኒ ባሬ ያሳዉኔ ኣዎ

ኦላና ማላ፥

ኢ ኑና ካታቱዋኔ

ቁሳቱዋ ኦሴዳ፤

ኣው ማጲናፐ ማጲና ጋካናው

---

\* 1:3 ናባቢያ ኡራይ፥ ሃዎ ጉሳይ ኡባ ኣሳይ ኢቲፐ ያሳ ጎሹቲያ ዋዴን ሄዋንቱሲ  
 ቃላ ናባቢያ ኡራይ ኣንጄቴዳዋ ጉሳ። † 1:4 ኢሲያ ጋዲያ፥ 1:4-3:22 ዴዒያዋ  
 ዳቢዳቢያ ጊዲዴ ፃፊቴዳ። ኢሲያ ጋዲ ኣዋዪፊ ዶሊያ ባጋና ዴዒያ ሮሜ ካዉቲላ  
 ጊዲዴ ሃዒ ሃ ዋዲያን ቱሪኬ ጋዲያ ጊዴ ጄሴቲያዋ። 1:4 ኬስ 3:14፤ ሳሰ  
 4:5 1:5 ኣሳ 55:4፤ ማዝ 89:27

ቦንቹኔ

ሞዲያ ወልቃይ ጊዶ። አሜንዲ።

7 ቤዲቲ፥

ዬሱሲ ሻርያኒ ዬ።

አሳይ ኡባይ፥ ሃራይ አቶ፥

አ ጫዳዳዋንቱካ

አ ቤዳና፤

ሳዓን ዳዲያ አሳይ ኡባይ

አ ጋሱዋን ዬካናዋንታ።

ሃዌ ቱሙፕ ሃናናዋ። አሜንዲ።

8 ካሴ ዳዲያዌ፥ ሃዲካ ዳዲያዌ፥ ሲንጻፕካ ያና ጎዳይ፥ ኡባፕ ወልቃዎ ያሳይ፥ «ኡባባው አልፋይኔ ኦሜጋይ፥ ኮይሩኔ ወርሴላይ ታና» † ያጌ።

**ኪሪሰቶሲ ሳፃን ቆንጩዳዋ**

9 ታኒ ዮሃኒሲ፥ ሂንቴንቱ ኢሻይ፥ ሂንቴናና ዬሱሲ ኪሪሰቶሳ ዋዪያኔ አ ካወቱላ ቃሲ አ ዳንዲያ ኢቲፕ ሻኬቲያዌ፥ ያሳ ቃላ ኦዴዳ ዲራወኔ ዬሱሳዋ ማርካቴዳ ዲራው፥ ፒዳዋ ጊያ ሃላይ ዶዶ ቢታን ዳዳዲ። 10 ጎዳ ጋላሳን ታኒ አያናን ዳዳይ፤ ታኒ ታፕ ጉዬና ማላካታ ዋሱዋ ማላ ወልቃዎ ኮሻ ሲሳዲ። 11 ሄ ኮሻይ ታና፥ «ኔኒ ቤዲያዋ ማፃፋን ፃፋ፤ ኢሲያን ዳዲያ ላፑ ዋሳ ጎሌቶ፥ ኤፌሶና፥ ሳሚሪኔሳ፥ ጴርጋዋና፥ ቲያዲርና፥ ሳርዳሳ፥ ፒላዴሊፊያ፥ ሎዶቂያ ዋሳ ጎሌቶ ዬዳ» ያጌዳ።

12 ታኒ ታው ኦዲያ ኮሻ ቤዳናው ጉዬ ሲማዲ፤ ያሞፒያ ዋሊያ ላፑ ዋርቃ ባላቱዋ ቤዳዲ። 13 ሄ ባላቱዋ ጊዶን አሳ ናዓ ማላቲያዋ ቤዳዲ፤ አዲሳ አፊላ ባሬ ጌዲያ ጋሊ ማዪዴ፥ ዋርቃ ዳንጩዋ ባሬ ቲራን ዩሺ አሌዳ። 14 አ ሁጲኔ አ ሁጲያ ቢናናይ ቦላ ዶርሳ ኢሲኪያኔ ሄዋፕካ አጲዴ ሻቻ ማላቲ፤ አ አይፊካ ታማ ላጩዋ ማላቲ። 15 አ ጌዲካ ጮጪያ ታማን ቴሪዴ ጸሊያ ናሃሲያ ጊያ ቢራታ ማላቲ፤ አ ኮሻይካ ወልቃዎ ሻፋ ጉንላ ማላ።

---

1:6 ኬስ 19:6፤ ሳፅ 5:10 1:7 ዳን 7:13፤ ማት 24:30፤ ማር 13:26፤ ሉቅ 21:27፤ 1ቴስ 4:17፤ ዛክ 12:10፤ ዮሀ 19:34፥ 37 † 1:8 አልፋይኔ ኦሜጋይ፥ ሃዋ ጉሳይ ኦራላ ጫቁ ኮይር ግሪኬ ቃላን ፃፊቲዳ ዲራው፥ ኮይሩኔ ወርሴላይ ጋናው ኮዪዴ፥ አልፋ ጊያ ግሪኬ ኮይር ፒዶሊያ አኪዴ ወርሴላው ቃይ ኦሜጋ ጊያ ወርሴላን ዳዲያ ፒዶሊያ አኪዴና፥ ሃዋንታ ጉሳይ ለሚሱዋን ዳወርሱዋ ፒዶላቱዋ አኪንቶ [አ፥ ዝ] ያጊያዋ ማላ ጉሳ። 1:8 ሳፅ 22:13፤ ኬስ 3:14 1:13 ዳን 7:13፤ 10:5 1:14 ዳን 7:9፤ 10:6

16 ኢ ባሬ ኡሼቻ ኩሺያን ላፑ ያለንታቱዋ ኦይቄዳ። ኣ ደናፔ ላዑ ባገና ቃሬቴዳ ማሻይ ኬሴዳ። ኣ ዴሙካ ሎይሊ ፖሲያ ኣዋይፊያ ማላቴ።

17 ታኒ ኣ ቤዔዳ ዋዴ ሃይቄዳዋዳን ሃናዴ፣ ኣ ጌዲያ ማታን ኩንዳዲ። ባሬ ኡሼቻ ኩሺያ ታ ቦላ ዋሊዴ፣ ታና ሃዋዳን ያጌዳ፤ «ያዮፓ፤ ኮይሩካ ዉርሴላይካ ታና። 18 ታኒ ዴዑዋን ዴዲያዋ። ታኒ ሃይቃዲ፤ ሺን ቤዓ፣ ሜጲ ሜጲናዉካ ዴዑዋን ዴዳይ። ሃይቄዋ ቁልፒኔ ሲፖሊያ ቁልፒ ታ ኩሺያን ዴዔ። 19 ሲሚ ኔኒ ቤዔዳባኔ ሃሲ ዴዲያዋ፣ ቃሲ ሲንላፔ ሃናናባ ፃፋ። 20 ኔኒ ታ ኡሼቻ ኩሺያን ቤዔዳ ላፑ ያለንታቱዋ ቢሌላይኔ ቃሲ ያምፓቱዋ ዋሊያ ላፑ ዋርቃ ባላቱዋ ቢሌላይ ሃዋ፤ ላፑ ያለንታቱ ላፑ ዋሳ ጎሌቱዋ ኪታንቻቱዋ፤ § ዋሳ ጎሊያ ላፑ ዋርቃ ባላቱ ላፑ ዋሳ ጎሊያ።

## 2

### (1) ዬሱሲ ኤፌሶንን ዴዲያ ዋሳ ጎሌው ጎዋ

1 «ኤፌሶንን ዴዲያ ዋሳ ጎሌ ኪታንቻው ሃዋዳን ያገዴ ፃፋ፡

«ባሬ ኡሼቻ ኩሺያን ላፑ ያለንቲያ ኦይቄዳዋ፣ ያምፓቱዋ ዋሊያ ላፑ ዋርቃ ባላቱዋ ጊዲዋና ሃሜቲያዋ ሃዋዳን ያጌ። 2 ታኒ ኔ ኪታ፣ ኔ ዳቡራኔ ኔ ጌንጨዋ ኤራይ። ቃሲ ኔኒ ኢታ ኣሳቱዋ ጌንጫናው ዳንዳያቤናዋካ ታኒ ኤራይ፤ ዬሱሲ ኪቲዳዋንታ ጌዴናን ዴዲያ ባሬንታ፣ ሓኒ ዬሱሲ ኪቲዳዋንታ ጌያዋንታ ኔኒ ያሞሳዴ፣ ኡንቱንቱ ዋርዶ ጌዲያዋ ዴሜዳዋካ ኤራይ። 3 ኔኒ ጌንጫዳ፤ ቃሲ ታ ሱንላ ዲራዉካ ሜቱዋ ዳንዳያዳ፤ ዳቡራቤይካ። 4 ሺን ታኒ ኔና ካጲያባይ ዴዔ፤ ኣዩሲ ጎፔ፣ ኔኒ ካሴ ኔ ሲቁዋ ኣገዳ። 5 ሲሚ ኔኒ ሃቃፔ ኩንዳዲንቶኔ ኣኬካ። ኔ ናገራፔ ሲማ፤ ኔኒ ካሴ ኦሊያ ኦሱዋ ኦላ። ሂዌ ጳዮፔ፣ ታኒ ኔገ ያና፤ ያዴ ኔኒ ኔ ናገራፔ ሲማና ጳዮፔ፣ ኔኒ ያምፒያ ዋሊያ ኔ ባላ ኣ ሳዓፔ ኣካዲገና። 6 ሺን ኢቲባ ሎይላዳ፤ ኒቆላዋቱዋ ኦሱዋ፣ ታኒ ኢጲያዋ ኔኒካ ኢፃዳ።

---

1:15 ሃከ 1:24፤ 43:2    1:17 ኢሳ 44:6፤ 48:12፤ ሳፅ 2:8፤ 22:13    § 1:20 ኪታንቻቱዋ፡ ሃዋንታ ጉሳይ ኣማኒያዋንታ ካሌሊያ ጨማቱዋ ዋይ ኣማኒያዋንቶ ኪቲቲዳዋንታ።

7 «ሲሳናው ሃይላይ ዳዒያ ኡራይ ጌሻ አያናይ ዋሳ ጎሌቶ ጊያዋ ሲሶ፤ ታኒ ያኒያ ኡራው ያሳ ጌኔቲያን ሞኪያ ዳዑዋ ሚላ አይፊያ ማናው አማና ያጌ» ያጋዴ ፃፋ።

(2) ዩሱሲ ሳሚሪኔሳን ዳዒያ ዋሳ ጎሌው ጎዋ

8 «ሳሚሪኔሳን ዳዒያ ዋሳ ጎሌ ከታንቻው ሃዋዳን ያጋዴ ፃፋ።

«ሃይቄዳዌ፣ ሃይቁዋፔካ ዳንዳዳዌ፣ ኮይሩኔ ወርሴላይ ሃዋዳን ያጌ።

9 «ታኒ ኔ ዋዪያኔ ኔ ሂዬሳቴላ ኤራይ፤ ሺን ኔኒ ዱሬ። አዪሁዳ ጊዳናን ዳዒያ ባሬንታ፣ «ኑኒ አዪሁዳ» ጊያዋንቱ ቦሪያዋ ታኒ ኤራይ፤ ሺን አንቱንቱ ሴፃና ማባራን ዳዒኖ። 10 ኔኒ ዋዪታና ዋዪው ያዮፓ። ቤዓ፣ ፃላሂያ ካፑ ሂንቲፔ አማራዳዋንታ ያዋሳናው ቃሾ ጎሌን ዬጋና፤ ታሙ ጋላሳ ጋካናው ሂንቲንቱ ዋዪታና። ሃይቃና ጋካናሲካ አማኔቴዳዋ ጊዳ፤ ታኒ ኔው ዳዑዋ አኪሊሊያ \* አማና።

11 «ሃይላይ ዳዒያ ኡራይ ጌሻ አያናይ ዋሳ ጎሌቶ ጊያዋ ሲሶ፤ ያኒያ ኡራይ ሳዔሉዋ ሃይቁዋን † ቆሄቴና ያጌ» ያጋዴ ፃፋ።

(3) ዩሱሲ ጴርጋሞናን ዳዒያ ዋሳ ጎሌው ጎዋ

12 «ጴርጋሞናን ዳዒያ ዋሳ ጎሌ ከታንቻው ሃዋዳን ያጋዴ ፃፋ።

«ላዑ ባጋና ሌፊቴዳ ማሻይ ዳዒያዌ ሃዋዳን ያጌ።

13 «ታኒ ኔኒ ዳዒያ ሳዓ ኤራይ። ኔኒ ሴፃና ካወቲላ ኦይዲ ዳዒያ ሳዓን ‡ ዳዓሳ፤ ታ ሱጎላ ሚኒሳ ናጋሳ። ሃራይ አቶ፣ ሴፃናይ ዳዒያ ሳዓን ሂንቲንቱ ማታን አሳይ ዋዪዳ ታኒ አማኒያ ማርካይ አንቲጳሲ ዳዒያ ዋዪካ ታና አማኒያዋ አጋቤይካ። 14 ሺን ታኒ ኔና ቦሪያ ጉላባይ ዳዒ፤ አሲራዔሊያ አሳይ ኤቃው ያርሼዳ ቁማ ማናዳኒኔ ዋሹማናዳን አንቱንታ ናጋራ ኦሲሴዳ ባላቃ ታማሪሴዳ ባላማ ቲሚርቲያ ታማሪያ አማራዳ አሳቱ ኔናና

---

2:7 ደዎ 2:9፤ ሳፅ 22:2፤ ሂዝ 28:13፤ 31:8      2:8 ኢሳ 44:6፤ 48:12፤ ሳፅ 1:17፤ 22:13      \* 2:10 ዳዑዋ አኪሊሊያ፣ ቦንቹቴዳ ዳዑዋ።      † 2:11 ሳዔሉዋ ሃይቁዋ፣ ኮይሪ ሃይቁ አሹ ሽምጥዋፔ ሻኬቲያዋ ጊዳዳ፣ ሳዔላ ሃይቁ ሽምጥ ሚጲናው ሚቶቲዳ ዳዒያ ሃይቁዋ።      ‡ 2:13 ሴፃና ካወቲላ ኦይዳ፣ ሃዋ ቢላላይ ሎሎላዳ ቆንጩ ጊዳና፣ ሺን ሃዌ ቤሲያዌ ያሳ ኤራናን አዪዳዋንቱ ጎዪያ ጎይና ሳዓ ጋና ዳንዳዬቴ።

ዴዒኖ። 15 ሄዋዳንካ፡ ቃሲ ኒቆላዋቱዋ ተሚርቲያ ታማሪያ ኣሳቱ ኔና ዴዒኖ። 16 ሄዋ ዲራው፡ ኔኒ ኔ ናጋራፔ ሲማ፤ ሄዋ ቆዮፔ፡ ታኒ ኔኮ ኤሌካ ያና፤ ያዴ ሄ ኣሳቱዋና ታ ዶናፔ ኬሲያ ማሻን ኦሌታና።

17 ሳይሳይ ዴዒያ ኡራይ ጌሻ ኣያናይ ዋሳ ጎሌቶ ጊያዋ ሲሶ። ያኒያ ኡራው ታኒ ጌማን ዴዒያ ማናፔ ኣማሬዳዋ ኣማና። ቃሲ ታኒ ቦላ ሹቻካ ኣው ኣማና፤ ኣኪያ ኡራፔ ኣቲን፡ ኦኒኔ ኤሪና ኦራላ ሱንሳይ ሄ ሹቻ ቦላ ፃፊቲ ኡቴዳ) ያጌ» ያጋዴ ፃፋ።

(4) ዬሱሲ ቲያዲርኔን ዴዒያ ዋሳ ጎሌው ጎዋ

18 «ቲያዲርኔን ዴዒያ ዋሳ ጎሊያ ኪታንቻው ሃዋዳን ያጋዴ ፃፋ፡

ጎሳ ናዒይ፡ ታማ ላጩዋ ማላቲያ ኣይፊ ዴዒያዎ፡ ቃሲ ጮጪያ ታማን ቲሪዴ ጸሊያ ናሃሲያ ጌቴቲያ ቢራታ ማላቲያ ጌዲ ዴዒያዎ፡ ሃዋዳን ያጌ።

19 ጎኒ ኔ ኦሱዋ፡ ኔ ሲቁዋ፡ ኔ ኣማኑዋ፡ ኔ ማዲዋኔ ኔ ጌንጩዋ ኡራይ፤ ኔኒ ኮይሮ ኦሊያዋፔ ሃዒ ዳሪሳዴ ኦሊያዋ ታኒ ኡራይ። 20 ሺን ታኒ ኔና ካዲያባይ ዴዒ፤ ባሬና፡ ጎኒ ናባቶ) ያጊያ ሚሺራቶ ኤልዛቤሎ ሹኔኮ ጋዳ፤ ሄ ሚሺራታ ታ ኦሳንቻቱ ዋሹማናዲኔ ኤቃው ያርሹዳ ቁማ ማናዳን፡ ታማሪሳዉኔ ባሌላው። 21 ኢዛ ባሬ ናጋራፔ ሲማና ማላ፡ ታኒ ኢዚው ዋዲያ ኣማዲ፤ ሺን ዋሹማናው ካጄሊያዋፔ ኢዛ ሲማናው ኮያቤይኩ። 22 ቤዒቱ፡ ታኒ ኢዛ ጊሱዋን ኩንዲሲና፤ ሳኩዋን ኢዛ ዋዩታና። ኢዚና ዋሹሚያዋንቱ ሄ ኢዚና ኦሊያ ናጋራፔ ሲማና ቆዮፔ፡ ኣንቱንታካ ዋልቃማ ዋዩያን ዬጋና።

23 ታኒ ኢዚ ናናካ ዋቆና፤ ቃሲ ዋሳ ጎሊያ ኡባይካ ታኒ ኣሳ ቆፋኔ ኣሙዋ ኤሪያዋ ጊዲያዋ ኡራና፤ ታኒ ሂንቴንቱሲ ሂንቴንቱ ኪታ ማላ ኣማና።

24 «ቲያዲርኔን ዴዒያ ሃራቶ፡ ሃ ኢታ ተሚርቲያ ታማሪቤናዋንቶ፡ ሃራቱ፡ «ሴፃና ጪሞ ዬዉዋ» ጊያዋ ሂንቴንቱ ታማሪቤዪኪታ፤ ታኒ ሂንቴንታ ሃራ ዴፀዋ ቶሲኪ ጋይ። 25 ሺን ታኒ ያና ጋካናው ሂንቴንቱሲ ዴዒያዋ ሎይሊ ናጊቱ።

---

2:14 ገይ 25:5፣ 7፤ 31:16፤ ዛር 23:4፤ ገይ 25:1-3    2:17 ኬስ 16:14-15፤ 16:33-34፤ ዮህ 6:48-50፤ ኢሳ 62:2፤ 65:15    2:20 1ካት 16:31፤ 2ካት 9:22፣ 30    2:23 ማዝ 7:9፤ ኤርሞ 17:10፤ ማዝ 62:12

26-27 «የኔዳዎን ወርሴላይ ጋካናው ታ ኪታ ናጌዳዎ፣ አሳ ዛሪያ ኡባ ሞዳና ማላ፣ ታኒ ታ አወዋፔ አኬዳ ማታ ማላ አው ኢማና፤  
 «ኢ አሳ ዛሪያ ኡባ ቢራታ ፃምዓን ሞዳና ኡርቃፔ ማዴታ ሚሻ ማንሲያዎዳን ማንሳና።»  
 28 ቃሲ ታኒ አው ባካሊያ ያለንቲያ ኢማና። 29 ሲሳናው ሃይላይ ዴዒያ ኡራይ ጌሻ አያናይ ዋሳ ጎሌቶ ጊያዋ ሲሶ) ያጌ»  
 ያጋዴ ፃፋ።

### 3

#### (5) ዩሱሲ ሳርዴሳን ዴዒያ ዋሳ ጎሌው ጎዋ

1 «ሳርዴሳን ዴዒያ ዋሳ ጎሊያ ኪታንቻው ሃዋዳን ያጋዴ ፃፋ፡

«የሳ አያና ላፑናቱኔ ላፑ ያለንታቱ ዴዒያዎ ሃዋዳን ያጌ።  
 «ታኒ ኔ ኪታ ኡራይ፤ አሳይ ኔና ሹምፑዋና ዴዒሳ ጊንቶካ፣ ኔኒ ሃይቃዳ። 2 ቤጎታ! አቲዳዎን ሃይቃናው ማቲዳዎ ማንሴላ። አዩሲ ጎፔ፣ ኔ ኪታይ ታ ያሳ ሲንሳን ፖሎ ጊዴናዎ ታኒ ዴማዲ። 3 ሲሚ ኔኒ አኬዳዎን ሲሴዳዎ አኬካ፤ ናጋ፤ ኔ ናጋራፔካ ሲማ። ኔኒ ቤጎቲናዎ ጊዶፔ፣ ታኒ ኔኮ ካዩሱዋዳን ያና፤ ታኒ ዋይሳዴ ያኔንቶ ኔኒ ኡራካ። 4 ሺን ባሪንቱ ማዩዎ ቂቲሲቤና አማራዳ አሳቱ ሳርዴሳን ኔናና ዴዒና። ኡንቲንቱ ቦላ ማዩዎ ማዩዴ ታናና ሃማታና፤ አዩሲ ጎፔ፣ ኡንቲንቱ ቦላ ማዩዎ ማያናው ቤሲያዋንታ። 5 ያኒያዌ ሄዋዳንካ ቦላ ማዩዎ ማያና። ታኒ አ ሱንሳ ዴዑዋ ማፃፋፔ \* ቁጩኬ፤ ታኒ ታ አቡ ሲንሳኒ ኣ ኪታንቻቱዋ ሲንሳን ኢ ታዋ ጊዲያዎ ማርካታና።  
 6 «ሲሳናው ሃይላይ ዴዒያ ኡራይ ጌሻ አያናይ ዋሳ ጎሌቶ ጊያዋ ሲሶ) ያጌ»  
 ያጋዴ ፃፋ።

#### (6) ዩሱሲ ፒላዴሊፊያን ዴዒያ ዋሳ ጎሌው ጎዋ

7 «ፒላዴሊፊያን ዴዒያ ዋሳ ጎሊያ ኪታንቻው ሃዋዳን ያጋዴ ፃፋ፡

---

2:26-27 ማዝ 2:8-9 \* 3:5 ዴዑዋ ማፃፋ፡ ያሳ አሳቲዋ ሱንሳይ ያፊቲያ ማፃፋ። 3:5 ኬሰ 32:32-33፤ ማዝ 69:28፤ ሳሰ 20:12፤ ማት 10:32፤ ሉቅ 12:8

«ደዋቱ ቁልጥያ † ኦይቁዳዌ፡ ኦኒኔ ጎርዳናው ዳንዳዬናዳን ደዲያዌ፡ ቃሲ ኦኒኔ ደያናው ዳንዳዬናዳን ጎርዲያዌ ገሻይኔ፡ ቱማንቻይ ሃዋዳን ያጌ።

8 ታኒ ኔ ኪታ ኤራይ። ቤዓ፡ ታኒ ኔ ሲንሳን ኦኒኔ ጎርዳናው ዳንዳዬና ፔንጊያ ዋላዲ፤ አዪሲ ጎፔ፡ ኔ ዋልቃይ ጉላ ጊደፔኔ፡ ታ ቃላ ናጋዳኔ ታ ሱንሳካ ኤሪኬ ጋቤይካ። 9 ቤዓ፡ አዪሁዳ ጊዲኪኖ ሺን ባሪና፡ «ኦኒ አዪሁዳ» ጊዴ ዋርደቲያ ሴፃና አዪሁዳ ዋሳ ጎሊያ ታኒ አሃዴ፡ ኔ ሲንሳን ጎይኒሳናኔ ኔና ሲቋያዋካ ኡንቱንታ ኤሪሳና። 10 ኔኒ ፔንጨዋን ታ አዛዙዋ ናጌዳ ዲራው፡ ሳዓን ዴዲያ አሳ ፓጫናው ኩሜንሳ ሳዓ ቦላ ዪያ ዋዪያ ዋዲያፔ ታኒካ ኔና ናጋና። 11 ታኒ ኤሌካ ያና፤ ኦኒኔ ኔ አኪሊሊያ አኬና ማላ፡ ኔው ዴዲያዋ ሚኒሳ አይቃ። 12 ታኒ ይኒያ ኡራ ታ አዉዋ ገሻ ጎሊያን ቱሳ ኦላና፤ ኢ ሄዋፔ ኡባካ ኬሴና። ታኒ ታ ያሳ ሱንሳ፡ ታ ያሳ ካታማ ሱንሳኔ ታ ያሳ ማታፔ ዋዳና ኦራላ ዬሩሳላሜ ሱንሳ አ ቦላ ያፋና። ቃሲ ታኒ ታ ኦራላ ሱንሳካ አ ቦላ ያፋና።

13 «ሲሳናው ሃይላይ ዴዲያ ኡራይ ገሻ አያናይ ዋሳ ጎሌቶ ጊያዋ ሲሶ» ያጌ። ያጌ ያፋ።

(7) ዬሱሲ ሎዶቂያን ዴዲያ ዋሳ ጎሌው ጎዋ

14 «ሎዶቂያን ዴዲያ ዋሳ ጎሊያ ኪታንቻው ሃዋዳን ያጌ ያፋ።

«አሜንቲዳ ቱማንቻ ማርካይ፡ ያሳይ ሜዴዳዋ ኮይሩ፡ «አሜንዲ» ጊያዌ» ሃዋዳን ያጌ።

15 ታኒ ኔ ኪታ ኤራይ። ኔኒ ኢርፃ ጊዳካ፤ ዋይ ሴሊያዋ ጊዳካ፤ ኢርፃ ዋይ ሴሊያዋ ጊዳሪኪ። 16 ኔኒ ኢርፃ ዋይ ሴሊያዋ ጊዳናን፡ ደምቦሎላ ጊዲያ ዲራው፡ ታኒ ኔና ታ ደናፔ ጨቻና ሃናይ። 17 አዪሲ ጎፔ ኔኒ፡ «ታኒ ዱሬ፤ ሚሻና ዴዳይ፤ ታና አይኔ ኮሼና» ያጋሳ። ሺን ኔኒ ሜቶቲያ አሳ፡ ቃሬሴያ አሳ፡ ሂዬሳ፡ ቆቃኔ ካሎቴዳ አሳ ጊዲያዋ ኤራካ። 18 ሄዋ ዲራው፡ ኔኒ ዱሬታና ማላ፡ ታማን ጌዬዳ ዋርቃ፡ ኔና ዬላዪያ ኔ ካሉዋ ካማናው ቦላ ማዩዋኔ ቃሲ ሎይሳ ያላናው ኔ አይፊያ ኦኪያ ዳሊያ ታፔ ሻማናዳን፡ ታኒ ኔና ዘራይ። 19 ታኒ

† 3:7 ደዋቱ ቁልጥያ፡ ሃዋ ጉሳይ ደዋቱ ካዉቲላ አዪሱዋ ማታ ኦዲያዋ። 3:7 ኢሳ 22:22፤ ዮብ 12:14 3:9 ኢሳ 49:23፤ 60:14፤ 43:4



ሲቂያ ኡባ ሴራይኔ ሙራይ፤ ሲሚ ሎይላ ሴሌታ፤ ኔ ናጋራፔካ ሲማ።

20 <ቤዓ፣ ታኒ ካሪን ኤቃዴ ፃሳይ። ኦኒኔ ታኒ ፃሲያዎ ሲሲዴ፣ ካሪያ ዶዮፔ፣ ታኒ እኮ ጌላዴ አናና ኢቲፔ ካወዋ ማና፤ እካ ታናና ኢቲፔ ማና። 21 ቃሲ ታኒ ያናዴ ታ አወዋና አ ካወቱላ ኦይዲያን ኡቲዳዋዳን፣ ያኒያ ኡራው ታናና ታ ካወቱላ ኦይዲያን ኡቲያ ማታ ኢማና።

22 <ሲሲያ ሃይላይ ዴዲያ ኡራይ ጌሻ አያናይ ዋሳ ጎሎቶ ጊያዋ ሲሶ ያጌ) ያጋዴ ፃፋ» ያጌዳ።

### 4

#### ያሳይ ዮሃንሳ ባሬ ካወቱላ ኦይዲያ ሲንላ አሄዳ

1 ሄዋፔ ጉዩያን፣ ታኒ ሳሉዋን ዶያ ፔንጊያ ቤዓዲ፤ ቃሲ ታው ማላካታዳን ኦዲሺን፣ ታኒ ሲሴዳ ኮይሮ ኮሻይ ታና፤ «ሃዋፔ ጉዩያን፣ ሃናናው ቤሲያዋ ታኒ ኔና ቤሳና፤ ሃ ኬሳ» ያጌዳ።

2 ኤሌካ ታኒ ጌሻ አያና ሞዴዋ ጊደ ጌላ አጋዴ። ቤዒቲ፣ ሳሉዋን ካወቱላ ኦይዲ ዴዒ፤ ሄ ኦይዲያን ኢቲ ኡቲዳ። 3 ሄ

ኡቲዳዋ ማላይ አልዎ ኢያሲዲዲያ ሹቻዳኒኔ አልዎ ሰርዲኖኔ ሹቻዳኒ ጸሌ። ካወታ ኦይዲ ዙሉዋን ዩዩ አጂዴ ኡባ ባጋና አልዎ ማርጊዲያ ሹቻዳን ጸሌ። 4 ሄ ካወቱላ ኦይዲያ ዩዩ አጂዴ፣ ሃራ ላታማኔ ኦይዲ ካወቱላ ኦይዲቲ ዴዒኖ፤ ኡንቲንቲን ቦላ ማዩዋ ማዩዴ፣ ሁጲያን ዋርቃ አኪሊሊያ ዋሌዳ ላታማኔ ኦይዲ ጨማቲ

ኡቲዳኖ። 5 ካወቱላ ኦይዲያፔ ዋልቃንላይ፣ ኮሹንቻይኔ ጉጉንላ ጉንላይ ኬሴዳ፤ ቃሲ ካወቱላ ኦይዲያ ሲንላን ላፑ ያምፓቲ ፖዒኖ። ሄዋንቲ ያሳ ላፑ አያናቱዋ። 6 ካወቱላ ኦይዲያ ሲንላን ቢሪሊያ ማላቲያ ቡርጨኩዋ አባይ ዴዒ።

ሄ ካወቱላ ኦይዲያፔ ሲንላናኔ ጉዩና አ ማታን ዩዩ አጂዴ፣ አይሬ ኩሜዳ ኦይዲ ዴዒዋን ዴዒያ ሜጴታቲ ዴዒኖ። 7 ኮይሮ ዴዒዋን ዴዒያ ሜጴታይ ጋሙዋ ማላቲ፤ ላዒንሉ ሚዛ ማራ ማላቲ፤ ሄዜንሉዋ ሰምዒ አሳ ዴሙዋ ማላቲ፤ ቃሲ ኦይዴንሉ ፓሊያ አርጋንላ ማላቲ። 8 ኦይዲ ዴዒዋን ዴዒያ ሜጴታቶ ሁጲያን ሁጲያን ኡሱፑን ቂሬ ዴዒ፤ ኡንቲንቲ ቦላን ጋርሳንካ ኡባሳን አይሬ ኩሜዳ። ኡንቲንቲ ቃማኔ ጋላሲ።

3:19 ለም 3:12፤ ኢብር 12:6      4:2 ሂዝ 1:26-28፤ 10:1      4:5 ኬሲ  
19:16፤ ሳፅ 8:5፤ 11:19፤ 16:18፤ ሂዝ 1:13፤ ሳፅ 1:4፤ ዛክ 4:2      4:6 ሂዝ  
1:22፤ 5-10፤ 10:14

«ጌሻው፣ ጌሻው፣ ጌሻው፣  
 ካሴ ደዲያው፣ ሃዲካ ደዲያው፣  
 ቃሲ ሲንሳፔ ያናው፣  
 ጎዳው፣ ኡባፔ ዋልቃማ ያሳው»

ጊያዋ አገሲኖ። 9 ሄ ሜዴታቱ ካዉቴላ ኦይዲያን ኡቴዳ ሜዲ ሜዲናው ደዑዋን ደዲያዋ ማዚሙሪያን ሳቤዳ ዋዴ፣ ሆንቹዳ ዋዴ፣ ጋላቴዳ ዋዴ፣ 10 ላታማኔ ኦይዲ ጨማቱ ካዉቴላ ኦይዲያን ኡቴዳ ሜዲ ሜዲናው ደዲያዋ ሲንሳን ጉፋኒዴ፣ ኣው ጎዩኒኖ፤ ባሬንቱ ኣኪሊሊያ ካዉቴላ ኦይዲያ ሲንሳን ዋሊዴ ሃዋዳን ያገሉ።

11 «ኑ ጎዳው ያሳው፣  
 ኔኒ ሆንቹዋ፣  
 ሳባኔ ዋልቃ  
 ኣካናው ቤሳሳ።  
 ኣዩሲ ጎፔ፣  
 ኡባባ ኔኒ ሜዳዳ፤  
 ቃሲ ኡባባይካ  
 ኔኒ ኮዬዳዋዳን  
 ሃኔዳኔ ደዴዳ»  
 ያገሉ።

# 5

## ማፃፋኔ ደርሳ

1 ኢቲ ፃፃቶ ማፃፋይ \* ካዉቴላ ኦይዲያን ኡቴዳዋ ኡሺቻ ኩሺያን ደዲያዋ ቤዓዲ፤ ሄ ፃፃቶ ማፃፋይ ላዑ ባጋናካ ፃፊቲ ኡቴዳ፤ ቃሲ ላፑ ማታፋይ ኣ ቦላ ኣታሜቲዳ። 2 ታኒ ኢቲ ዋልቃማ ኪታንቻይ ባሬ ቃላ ቶቁ ኡዲዴ፣ «ማታፋ ደዩዴ፣ ፃፃቶ ማፃፋ ቢላናው ቤሲያ ኡራይ ኦኔ?» ያገሉ፣ ኣዋጁያዋ ቤዓዲ። 3 ሳሉዋን ገዲና ዋይ ሳዓን ገዲና፣ ዋይ ሳዓፔ ጋርሳን † ገዲና፣ ሄ ፃፃቶ ማፃፋ ቢላናው ዋይ ኣ ገዲዋ ፃላናው ኦኔኔ ቤሲያዋ ባዋ።

4 ፃላ ማፃፋ ቢላናው ዋይ ኣ ገዲዋ ፃላናው ቤሲያ ኡራይ ባይና ዲራው፣ ታኒ ዳር ዬካዲ። 5 ጨማቱዋፔ ኢቲ ታና፣ «ዬኮፓ፤

---

4:8 ሂዝ 1:18፤ 10:12፤ ኢሳ 6:2-3 \* 5:1 ፃፃቶ ማፃፋ፣ ሃዋ ጉሳይ ዋራቃታን ዋይ ጋልባን ፃፊቲዳ ፃፃቲያ ማፃፋ ገዲዴ፣ ዳር ካሬ ባጋና ኢቲ ዋይ ላዑ ቦላ ባጋ ጋልባን ማታፋይ ኣታሜቲ። 5:1 ሂዝ 2:9-10፤ ኢሳ 29:11 † 5:3 ሳዓፔ ጋርሳን፣ ሃይቁዳዋንታ ጉሳ።

ቤዓ፡ ዪሁዳ ዛሪያ ገዴዳ ጋሙ፡ ዳዊቲ ዛሪ ምድ፡ ኢ ማታፋ ደያናዉኔ ፃፃቶ ማፃፋ ቢላናው ቤሴ» ያጌዳ።

6 ታኒ ካዉቲፋ ኦይዲያፕ፡ ዳዑዋን ዳዒያ ኦይዲ ሜዴታቱዋፕኔ ቃሲ ጨማቱዋፕ ገዲዋን፡ ሹኬቲዳ ዶርሳ ማላቲዳ ኤቄዳዋ ቤዓዲ፤ ኣው ላፑ ካጨፑቲኔ ላፑ ኣይፊቲ ዳዒኖ። ሄዋንቲ ኣላሚያ ኡባ ከቲቲዳ ያሳ ላፑ ኣያናቱዋ።

7 ሄ ዶርሳይ ቢዴ፡ ካዉቲፋ ኦይዲያ ቦላ ኡቴዳዋ ኡሹቻ ኩሺያፕ ፃፃቶ ማፃፋ ኣኬዳ። 8 ኢ ሄ ፃፃቶ ማፃፋ ኣኬዳ ዋዴ፡ ዳዑዋን ዳዒያ ኦይዲ ሜዴታቲኔ ላታማኔ ኦይዲ ጨማቲ ኣ ሲንሳን ኩንዳዲኖ። ኡንቲንቲ ሁጲያን ሁጲያን ዲላኔ ኢፃናይ ኩሚዳ ዋርቃ ሚሻ ኦይቄዲኖ። ሄ ኢፃናይ ጌሻቲ ያሳ ዋሲያዋ።

9 ኡንቲንቲ፡

«ፃፋ ማፃፋ  
ኣካናዉኔ  
ማታፋ ዶያዴ  
ፃላናው ኔው ቤሴ።

ኣዪሲ ጎፔ፡  
ኔኒ ሹኬታዳ።

ኔኒ ቆሙዋ ኡባፕ፡  
ዲማ ዲማ

ጋዲያ ቃላ ኡባፕ፡  
ያራ ኡባፕኔ

ዛሪያ ኡባፕ  
ኔ ሱሳን

ያሳው ኣሳ ዋዛዳ።

10 ኑ ያሳው ኣላና ማላ፡

ኡንቲንታ ኔኒ  
ካታቱዋኔ

ቄሳቱዋ ኣላዳ።  
ቃሲ ኡንቲንቲ ሳዓን ሞዳና»

ያገዴ ኦራላ ማዚሙሪያ  
ዪዲኖ።

11 ሄዋፕ ጉዪያን፡ ታኒ ፃላዴ፡ ካዉቲፋ ኦይዲያ፡ ዳዑዋን ዳዒያ ኦይዲ ሜዴታቱዋኔ ጨማቱዋ ዩዪ ኣዲዴ ኤቄዳ

5:5 ዶሞ 49:9፤ ኢሳ 11:1፣ 10 5:6 ኢሳ 53:7፤ ዛክ 4:10 5:8 ማዘ 141:2 5:9 ማዘ 33:3፤ 98:1፤ ኢሳ 42:10 5:10 ኬሰ 19:6፤ ሳፅ 1:6

ደሮ ኪታንቻቱዋ ኮሻ ሲሳዲ፤ ኡንቱንቱ ሻዓኒኔ ሚሎኒያን  
ፓይዴቴዲኖ። 12 ሄ ኪታንቻቱ ባሬንቱ ቃላ ቶቁ ኡዲዴ።

«ሹኬቴዲ ደርሳይ  
ዎልቃ፡ ዲሬቴላ።  
አዴዲ ኤራ፡  
ሚኖቴላ።  
ቦንቹዎ፡ ሳባ፡  
ጋላታ አካናው ቤሴ!»

ያጌዲኖ።  
13 ሄዋፔ ጉዪያን፡ ሳዓን፡ ሳሉዋን፡ ሳዓፔ ጋርሳኒኔ አባ  
ጊዲዋን ዴዒያ ሜዴታ ኡባይኔ ቃሲ ሄዋንቱን ዴዒያ ሜዴታ  
ኡባይ።

«ካወቴላ ኦይዲያ ቦላ  
ኡቴዳዎኔ ደርሳው

ጋላታይ፡ ቦንቹ፡  
ሳባይኔ ዎልቃይ  
ሜዲ ሚዲናው ጊዲ!»  
ያጊዴ ዩዲሺን ሲሳዲ።

14 ዴዐ-ዋን ዴዒያ ኦይዲ ሜዴታቱ፡ «አሜንዒ» ያጊና፡  
ጨማቱ ጉፋኒዴ ሳዩኔዲኖ።

# 6

## ሄ ፃፃታ ማፃፋ ማታፋ ደያ

1 ደርሳይ ላፑ ማታፋቱዋፔ ኢቱዋ ደዩሺን ቤዓዲ፤ ቃሲ  
ሼምፑዋና ዴዒያ ኦይዲ ሜዴታቱዋፔ ኢቱ ጉጉንላ ጉንላ ማላቲያ  
ኮሻን፡ «ሃ ያ!» ያጊያዎ፡ ታኒ ሲሳዲ። 2 ታኒ ኢቲ ቦላ ፓራ  
ቤዓዲ። ሄ ፓራ ቶጌዳዊ ዎንዳፊያ ኦዩቄዳ፤ ቃሲ አው አኪሊሊ  
ኢሜቴዳ። ኦላ ኢ ያኒዲኔ ቃሲካ ያናናው ኬሴዳ።

3 ደርሳይ ሳዒንሉ ማታፋ ደዬዳ ዎዴ፡ ሼምፑዋና ዴዒያ  
ሜዴታቱዋ ሳዒንሉ፡ «ሃ ያ!» ያጊያዎ፡ ታኒ ሲሳዲ። 4 ቃሲ  
ሃራ ዳማ ፓራይ ኬሴዳ። አሳይ ኢቱ ኢቱዋና ሹኬታና ማላ፡ ሄ  
ፓራ ቶጌዳዎ ሳዓን ሳርቴላ ዲጊያ ዎልቃይ ኢሜቴዳ። ዎጋ ማሻይ  
አው ኢሜቴዳ።

5 ደርሳይ ሄዜንሉ ማታፋ ደዬዳ ዎዴ፡ ዴዐ-ዋን ዴዒያ  
ሜዴታቱዋ ሄዜንሉ፡ «ሃ ያ!» ያጊያዎ፡ ታኒ ሲሳዲ። ያታዴ

5:11 ዳን 7:10    6:2 ዛክ 1:8፤ 6:3፣ 6    6:4 ዛክ 1:8፤ 6:2

ካሬላ ፓራይ ኬሴዳዋ ቤዓዲ፤ ቃሲ ሄ ፓራ ቶጌዳዌ ባሬ ኩሺያን ሚዛኒያ ኦዩቁዳ። 6 ታኒ ዳዑዋን ዳዒያ ኦይዲ ሜዴታቱዋ ጊደፔ ኮሻ ማላቲያባ ሲሳዲ። ሄ ኮሻይ፡ «ኢቲ ጋላሳ ኦሶ ዲርጉ ባጋ ኪሉዋ ዛርጋ፤ ቃሲ ኢቲ ጋላሳ ኦሶ ዲርጉ ኢቲ ኪሉዋ ባጋ ባንጋ። ሺን ዛይቲያኔ ዋዩኒያ ኤሳ ቆሆፓ» ያጊያዋ ሲሳዲ።

7 ደርሳይ ኦይዴንሶ ማታፋ ደዬዳ ዋዴ፡ ዳዑዋን ዳዒያ ሜዴታቱዋ ኦይዴንሶ፡ «ሃ ያ!» ያጊያዋ፡ ታኒ ሲሳዲ። 8 ታኒ ጊራጩ ፓራይ ኬሴዳዋ ቤዓዲ። ሄ ፓራ ቶጌዳዋ ሱንሳይ ሃይቁዋ፤ ኣ ጌዲዋ ሲያሊ ካሌዳ። ሃይቁኔ ሲያሊ ሳዓፔ ኦይዴንሶ ኩሺያ ኦላን፡ ኮሻን፡ ሃርጊያን፡ ደዓን ዋዲሳና ማላ፡ ኡንቱንቱሲ ማታይ ኢሜቲዳ።

9 ደርሳይ ኢቲሸንሶ ማታፋ ደዬዳ ዋዴ፡ ኡንቱንቱ ያሳ ቃላ ኦዴዲ ዲራውኔ ባሬንቱ ማርካቲሳን ኣማኔቲዳ ዲራው፡ ሹኬዳ ኣሳ ሸዎፑዋ ያርሹዋ ያርሺያሳፔ ጋርሳን ቤዓዲ። 10 ኡንቱንቱ ባሬንቱ ቃላ ጶቁ ኡዲዳ፡ «ኡባ ዋዲያ ጎደው፡ ጌሻው፡ ቱማንቻው፡ ሳዓን ዳዒያ ኣሳ ቦላ ኣዉዴ ፒርደይ? ቃሲ ኑ ሱሳ ኣዉዴ ጨጌታይ?» ያጌዲኖ። 11 ኡንቱንቶ ሁጲያን ሁጲያን ቦሳ ማዩ ኢሜቲዳ። ኡንቱንቱዋዳን ሃይቃናው ቤሲያ ኡንቱንቱ ላጌሳ ኦሳንቻቱዋ ፓይዲኔ ኡንቱንቱ ኢሻቱዋ ፓይዲ ኩማና ጋካናው፡ ኡንቱንቱ ኣማሬዳ ዋዲያ ታኪሻና ማላ፡ ኡንቱንቱሲ ኦዴቲዳ።

12 ደርሳይ ኡሱፑንሶ ማታፋ ደዬዳ ዋዴ፡ ታኒ ቤዓዲ፤ ቢታይ ሎይሲ ቃዴዳ፡ ኣዋይፊ ካሬላ ማዩዋዳን ካሬዴዳ፤ ኣጌናይካ ሙሉ ሱሳ ማላቲዳ። 13 ባላሲያ ጊያ ሚላቲ ጋሚዒ ኣይፊ፡ ዋልቃማ ጫርኩ ቃሊና፡ ሳዓን ቆቆፊቲያዋዳን፡ ያለንታቱ ሳሉዋፔ ሳዓን ቆቆፊቲዲኖ። 14 ሳሉ ዓፄቶ ማፃፋይ ዓፄቲያዋዳን፡ ዓፄቲዳ ጳዩ ኣጌዳ፤ ዳሬ ኡባቱኔ ሃሳን ደዳቲዳ ሳዓይ ኡባይ ባሬንቱ ዳዒያሳፔ ኪቺ ኣጌዲኖ። 15 ሄዋፔ ጉዩያን፡ ሳዓ ካታቱ፡ ዳሬያ ሞዲያዋንቱ፡ ሻላቃቱ፡ ዲራቱ፡ ዋልቃማቱ፡ ቃሲ ሃራ ኣሳይ ኡባይ፡ ኣይሌቱ፡ ዋማናቱ፡ ዳሬያ ኬሲዳ፡ ጎንጎሉዋ ጊደኒኔ ዳሬያን ዳዒያ ዛላ ጉዬ ባጋን ቆሱቲዲኖ። 16 ያቲዳ ዳሬቱዋኔ ሹቻ፡ «ካዉቲሳ ኦይዲያን ኡቲዳዋ ኣይፊያፔኔ ደርሳ ሃንቁዋፔ ኑ ቦላ ኩንዲዳ፡ ኑና ጌንጫርከቲሻ! 17 ኣዩሲ ጎፔ፡ ኡንቱንቶ ዋልቃማ ሃንቁዋ ጋላሳይ ጋኪኪቹዳ፤ ሄ ሃንቁዋ ዳንዲያናዌ ኦኔ?» ያጌዲኖ።

6:5 ዛክ 6:2፣ 6      6:8 ሃዝ 14:21      6:13 ኢሳ 34:4      6:15 ኢሳ 2:19፣ 21      6:16 ሆስ 10:8፤ ሉቅ 23:30      6:17 ኢዩ 2:11፤ ሚላ 3:2

# 7

ኢስራዔሊያ አሳፔ 144000 አሳቴዎ ሶሞዒያን ማታፋይ ዎዴዳ

1 ሄዋፔ ጉዩያን፡ ታኒ ኦይዲ ኪታንቻቱ ኦይዲ ባጋ ሳዓ ጋፃን ኤቁዳዋንታ ቤዓዲ። ሄ ኪታንቻቱ ሳዓ ቦላን፡ ዎይ ኣባ ቦላን፡ ዎይ ኣይ ሚላ ቦላን፡ ጫርኩ ጫርኬናዳን ቱዔዲኖ።

2 ቃሲካ ዳዑዎ ያሳ ማታፋ ኦይቁዴ ሃራ ኪታንቻይ ኣዎይ ሞኪያሳፔ ኬሲያዎ ታኒ ቤዓዲ። ሄ ኪታንቻይ ባሬ ኮሻ ቶቁ ኡዲዴ፡ ሳዓኔ ኣባ ቆሃናው ዎልቃይ ኢሜቴዳ ኦይዲ ኪታንቻቱዎ

3 ዪሲዴ፡ «ኑ ያሳ ኦሳንቻቱዎ ዴሙዋን ኮኒ ማታፋ ዎላና ጋካናው፡ ሳዓ ጊዲና ዎይ ኣባ ጊዲና፡ ዎይ ሚላ ጊዲናካ ቆሆፕፔ» ያጌዳ።

4 ታኒ ያሳ ማታፋ ዴሙዋን ዎሌዳዋንቱ ፓይዲዎ ሲሳዲ። ኢስራዔሊያ ዛሪያ ኡባፔ ኢቲ ዪታኔ ኦይታማኔ ኦይዲ ሻዓ አሳቴዎ ዴሙዋን ማታፋይ ዎዴዳ።

5 ዪሁዳ ዛሪያፔ  
ታማኔ ላዑ ሻዓ  
ዴሙዋን ማታፋይ  
ዎዴዳ።

ሮቤላ ዛሪያፔ  
ታማኔ ላዑ ሻዓ።  
ጋዴ ዛሪያፔ  
ታማኔ ላዑ ሻዓ።

6 ኣሴራ ዛሪያፔ  
ታማኔ ላዑ ሻዓ።  
ኒፍታሌሜ ዛሪያፔ  
ታማኔ ላዑ ሻዓ።

ሚናሴ ዛሪያፔ  
ታማኔ ላዑ ሻዓ።  
7 ሲሞና ዛሪያፔ  
ታማኔ ላዑ ሻዓ።

ሌዊያ ዛሪያፔ  
ታማኔ ላዑ ሻዓ።  
ዪሳኮራ ዛሪያፔ  
ታማኔ ላዑ ሻዓ።

8 ዛቢሎና ዛሪያፔ

ታማኔ ላዑ ሻዓ።  
 ዮሴፎ ዛሪያፕ  
 ታማኔ ላዑ ሻዓ።  
 ቢኒያማ ዛሪያፕ  
 ታማኔ ላዑ ሻዓ  
 ዴሙዋን ማታፋይ  
 ዋጴዳ።

**ቦላ ማዩዋ ማዬዳ ጮራ አሳቱዋ**

9 ሄዋፔ ጉዩያን፣ ዛሪያ ኡባፔ፣ ቆሙዋ ኡባፔ፣ ያራ ኡባፔኔ ዲማ ዲማ ጋዲያ ቃላ ኡባፔ ኦኒኔ ፓይዳናው ዳንዳዬና ዛዋይ ባይና ጮራ አሳ ታኒ ቤዓዲ። ሄ አሳይ ቦላ ማዩዋ ማዬዳ፣ ዛምባ ሃይላ ባሬንቱ ኩሺያን ኦይቂዳ፣ ካዉቲላ ኦይዲያ ሲንላኒኔ ዶርሳ ሲንላን ኤቆዳ። 10 ኡንቱንቱ ባሬንቱ ቃላ ጴቁ ኡዲዳ።

«ኑ አቶቲላይካ  
 ካዉቲላ ኦይዲያን  
 ኡቴዳ  
 ኑ ያሳፔኔ  
 ዶርሳፔ ዬ»  
 ያጌዲኖ።

11 ኪታንቻቱ ኡባይ ካዉቲላ ኦይዲያ፣ ጨማቱዋኔ ዴዑዋን ዴዲያ ኦይዲ ማጴታ ዩዩ አጲዴ ኤቆዲኖ። ኡንቱንቱ ካዉቲላ ኦይዲያ ሲንላን ባሬንቱ ዴሙዋን ጉፋኒዴ ያሳው ጎዩኒዴ።

12 «አሜንዒ!  
 አንጁ፣ ቦንቹ፣  
 አጴዳ ኤራቴላይ፣  
 ጋላታይ፣ ሳባይ፣  
 ዋልቃይ፣ ሚኖቴላይ  
 ማጲናፔ ማጲና ጋካናው  
 ኑ ያሳው ጊድ።  
 አሜንዒ!»  
 ያጌዲኖ።

13 ጨማቱዋፔ ኢቱ ታና፣ «ሃ ቦላ ማዩዋ ማዬዳ አሳቱ ኦኔ? ኡንቱንቱ ሃቃፔ ዬዲኖ?» ያጊዴ ኦቹዳ።

14 ታኒ፣ «ታ ጎደው፣ ኔኒ ኤራሳ» ያጋዲ። ኢ ታና ሃዋዳን ያጌዳ፤

«ሃዋንቱ ዳሮ ዋዩያ  
 ዋዩቲዴ ዬዳዋንታ።»

ኡንቱንቱ ባሬንቱ ማዩዋ  
 ደርሳ ሱላን ሜጨዳ  
 ቦፃዳዋንታ።  
 15 ሄዋ ዲራው፥  
 ኡንቱንቱ ያሳ ካዉቲላ ኦይዲያ  
 ሲንላን ኤቁዴ፥  
 ቃማኔ ጋላሲ  
 ኦ ጌሻ ጎሊያን  
 ኦው ኦሊኖ።  
 ቃሲ ኢ ባሬ ካዉቲላ ኦይዲያን  
 ኡቴዳዌ  
 ኡንቱንቱ ጊዲዋን ዳዐና።  
 16 ሃዋፔ ሲንላናው ኡባካ  
 ኡንቱንቱ ኮሻቲኪኖ  
 ዋይ ሳሜቲኪኖ።  
 ኦዋይ ኡንቱንታ ሜና፤  
 ቃሲ ኦይ ሴላይካ ኡንቱንታ ጉዳና።  
 17 ኦዩሲ ጎፔ፥  
 ካዉቲላ ኦይዲው  
 ጊዲዋን ኡቴዳ ደርሳይ  
 ኡንቱንታ ሄማና።  
 ዴዐዋ ሃላ ፑልቱዋኮካ  
 ኡንቱንታ ካሌላና።  
 ያሳይካ  
 ኡንቱንቱ ኦይፊያ ኦራላ ኡባ ቁጨዲጋና»  
 ያጌዳ።

# 8

## ፃፃፋ ማፃፋ ላፑንላ ማታፋይ ደዬቴዳ

1 ደርሳይ ላፑንላ ማታፋ ደዬዳ ዋዴ፥ ባካ ሳቲያ ጊዲያዋ  
 ከና ሳሉ ጮዑ ጌዳ።  
 2 ሄዋፔ ጉዩያን፥ ታኒ ላፑ ኪታንቻቱዋ ያሳ ሲንላን ኤቁያዋንታ  
 ቦዳዲ፤ ኡንቱንቱሲ ላፑ ማላካታይ ኢሜቴዳ።  
 3 ኢፃና ጨዋዩያ ዋርቃ ሚሻ ኦይቁዳ ሃራ ኪታንቻይ ዩዴ፥  
 ያርሺያሳ ማታን ኤቁዴ። ዋርቃፔ ሜዴቴዳ ያርሺያሳይ ካዉቲላ

---

7:14 ዳን 12:1፤ ማኮ 24:21፤ ማር 13:19      7:16 ኢሳ 49:10      7:17  
 ማዝ 23:1፣ 2፤ ሃዝ 34:23፤ ኢሳ 49:10፤ 25:8



አይዲያ ሲንላን ዴዴ፤ ሄ ያርሺያሳ ቦላ ጌሻ ኡባቱዋ ዋሳ ጉጅና ማላ፡ ኪታንቻው ዳሮ ኢፃናይ ኢሜቲዳ። 4 ኢፃና ጨዋይ ጌሻቱዋ ዋሳና ኢቲፔ ሄ ኪታንቻ ኩሺያፔ ፑዴ ያሳኮ ቤዳ። 5 ሄዋፔ ጉዲያን፣ ኪታንቻይ ኢፃና ጨዋዪያዋ ኣኪዴ፣ ያርሺያሳፔ ታማ ቦንቁዋ ኣኪዴ፣ ኣኒ ኩንሴዳ። ሄ ኢፃና ጨዋዪያዋ ዲጌ ሳዓ ኦሊና፣ ጉጉንሳይ ጉሜዳ። ዋልቃንሳይ ዋልቃሜዳ፤ ቃሲ ቢታይካ ቃዳዳ።

**ማላካታቱ ፑኔቲዲና**

6 ቃሲ ላፑ ማላካታ ኦይቂዴ ላፑ ኪታንቻቱ ማላካታ ፑናናው ጊጌዲና።

7 ኮይሮ ኪታንቻይ ባሬ ማላካታ ፑኒና ሱላና ዋላኬቲዳ ሻቻይኔ ታማይ ሳዓን ቡኬዳ። ሳዓፔ ሄዜንላ ኩሺ ጉዴቲዳ፤ ሚላፔካ ሄዜንላ ኩሺ ጉዴቲዳ፤ ማታ ኡባይካ ጉዴቲዳ።

8 ላዴንላ ኪታንቻይካ ባሬ ማላካታ ፑኔዳ። ዋልቃማ ዴሪያ ማላቲያባይ ታማን ኤዲዴ፣ ኣባን ዩጌቲዳ፤ ያቲና፣ ኣባፔ ሄዜንላ ኩሺ ሱላ ጊዴዳ። 9 ኣባን ዴዑዋን ዴዒያ ሜዴታቱዋ ሄዜንላ ኩሺ ሃይቁዳ፤ ማርካቤቱዋፔካ ሄዜንላ ኩሺ ቆዬዳ።

10 ሄዜንላ ኪታንቻይ ባሬ ማላካታ ፑኒና ሻፋፔኔ ፑልቱዋ ሃላፔ ሄዜንላ ኩሺያ ቦላ ሳሉዋፔ ያምፒያዳን ኤዲያ ዋልቃማ ያለንቲ ዋዴዳ። 11 ሄ ያለንቲያ ሱንሳይ ጫሙዋ ጌቲቲ። ሃላፔ ሄዜንላ ኩሺ ጫሜዳ፤ ቃሲ ሃላይ ጫሜዳ ዲራው፣ ዳሮ ኣሳይ ሄ ሃላ ኡሺዴ ሃይቁዳ።

12 ኦይዴንላ ኪታንቻይ ባሬ ማላካታ ፑኔዳ። ኣዋፔ፣ ኣጌናፔኔ ያለንቲያፔ ሄዜንላ ኩሺ ዴሼቲዳ፤ ኤንቲንቲ ፖዑዋፔካ ሄዜንላ ኩሺ ቆሚዳ። ሄዋ ዲራው፣ ጋላሳፔ ሄዜንላ ኩሺ፣ ቃማፔካ ሄዜንላ ኩሺ ቆሚዳ።

13 ኢቲ ኣርጋንሳይ ሳሉዋን ፓሊያዋ ታኒ ቤዓዲ። ሄ ኣርጋንሳይ ባሬ ቃላ ቆቁ ኡዲዴ፣ «ሄዙ ኪታንቻቱ ፑናና ቤሲያ ዮኮ ማላካታይ ፑኔቲያ ዋዴ፣ ሳዓን ዴዒያ ኣሳው ኣዬሮ! ኣዬሮ! ኣዬሮ!» ያጊያዋ ሲሳዲ።

---

8:3 ኣዋ 9:1፤ ኬሰ 30:1፣ 3      8:5 11:19፤ 16:12፣ 18፤ ሂዝ 10:2፤ ኬሰ 19:16      8:7 ኬሰ 9:23-25፤ ሂዝ 38:22      8:10 ኢሳ 14:12      8:11 ኤርዋ 9:15      8:12 ኢሳ 13:10፤ ሂዝ 32:7፤ ኢዩ 2:10፣ 31፤ 3:15

# 9

1 ሃዋፔ ጉዩያን፣ ኢቼሼንሶ ኪታንቻይ ባሬ ማላካታ ፑኒና ሳሉዋፔ ዲጌ ሳዓ ኩንዴዳ ያለንቲያ ቤዓዲ። ሄ ያለንቲው ጨሞ ኦላ \* ቁልፒ ኢሜቲዳ። 2 ያለንቲ ጨሞ ኦላ ዶዬዳ፤ አኮ ጮጪያፔ ኬሲያ ጩዋ ማላ ጩዋይ ሄ ጨሞ ኦላፔ ኬሴዳ። ቃሲ አዋይኔ ሳዓይ ሄ ጨሞ ኦላፔ ኬሴዳ ጩዋን ቋሚዲኖ።

3 ጩዋፔ ቦሊ ዲጌ ሳዓ ዬዳ። ሳዓን ዴዒያ ሶጋቶ ዴዒያ ዋልቃ ማላ ዋልቃይ ቦሊዉካ ኢሜቲዳ። 4 ያሳ ማታፋይ ዴሙዋን ባይና አሳ ያላላ ቆሃናፔ አቲን፣ ሳዓን ዴዒያ ማታ ዋይ አጪያ ሚላ ጊዲና ዋይ አይ ሚላ ጊዲናካ ቆሄና ማላ፣ ቦሊው ኦዴቲዳ።

5 ቦሊ ሄ አሳ ኢቼሹ አጌና ጊዲያዋ ፓፃ ካዓና ማላ፣ ማታይ ኢሜቲዳዋፔ አቲን፣ አው አሳ ዋቋናው ማታይ ኢሜቲቤና። ሶጉ አሳ ዲኪዴ ሴሊሲያዋ ከና ቦሊ ሴሊሴ። 6 ሄ ጋላሳቱዋን አሳይ ሃይቁዋ ኮያና፤ ሺን ዴሜና። ቃሲ ሃይቃናዉካ አዋታና፤ ሺን ሃይቁ አሳፔ ባቃታና።

7 ቦሊ ኦላው ጊጊ ኡቲዳ ፓራ ማላቲ። ቦሊያ ሁጲያን ዋርቃ ማላቲያ አኪሊሊ ዴዒ፤ አ ዴሙካ አሳ ዴሙዋ ማላቲ። 8 አ ቢናናይካ ማጫ አሳ ቢናናይዳ አዲቄ፤ አ አቻይካ ጋሙዋ አቻ ማላቲ። 9 አ ቲራይ ቢራታን ኦሌዳ ጎንዳሊያ ማላቲያዋን ጎዜቲ ኡቲዳ፤ ቃሲ አ ቄፊያ ኮሻይ ኦላ ባናው ፒሪፀያ ፓራቲ ጎቺያ ጋሪያ ኮሻ ማላ። 10 አው ሶጉዋ ዲፊያ ማላቲያ ዲፊ ዴዒ፤ አ ዲፊያን ዲኪያባይ ዴዒ። ሄ ዲፊያን ኢቼሹ አጌና ጊዲያዋ አሳ ቆሃናዳን፣ አው ማታይ ኢሜቲዳ። 11 አ ሞዲያ ካቲ ዴዒ። ሄ ካቲ ጨሞ ኦላ ኪታንቻ። አ ሱንላይካ ኢብራዩስፄ ቃላን አቢዳና፤ ቃሲ ጊሪኬ ቃላን አጸሊዮና ጌቲቲ። አጸሊዮና ጊያዋ ቢሌላይ፣ ቋዩሲያዋ ጊያዋ።

12 ኮይሮ አዬሮ ጊያዌ አጴዳ፤ ቤዓ፣ ቢሮ ሃራ ላው አዬሮ ጊያዌ ያናዋ።

13 ኡሱፑንሳ ኪታንቻይ ባሬ ማላካታ ፑኒዳ። ያሳ ሲንላን ኤቄዳ ዋርቃፔ ሜጴዳ ያርሺያሳን ዴዒያ ኦይዱ ጋፃ ካጩቱዋፔ አቲ ኮሻ ሲሳዲ። 14 ሄ ኮሻይ ማላካታይ ዴዒያ ኡሱፑንሳ ኪታንቻ፣ «ኤፊራጸሳ ጊያ ዋጋ ሻፋን ቃሼቲዳ ኦይዱ ኪታንቻቱዋ ቢላ»

---

\* 9:1 ጨማ ኦላ፡ ሃዋ ጉሳይ ጋርሳ ባጋ ቢታን ዳሪሲ ጨማቲዴ ዴዒያ ኢታ አያናቲ ባራንቱ ዉርሴላ ሙራ ጋላሳይ ጋካናው ቃሼቲዴ ዴዒያሳ። 9:2 ደሞ 19:28 9:3 ኬስ 10:12-15 9:4 ሂዝ 9:4 9:6 ዮብ 3:21፤ ኤርሞ 8:3 9:7 ኢዩ 2:4 9:8 ኢዩ 1:6 9:9 ኢዩ 2:5 9:13 ኬስ 30:1-3

ያጌዳ። 15 እሳ ዛሪያፔ ሄዜንሉ ኩሺያ ዋጃናው፣ ሃ ሳቲያሲ፣ ጋላሳሲ፣ አጌናሲኔ ላይላሲ ገገሲ ዋሌዳ፣ ኦይዲ ከታንቻቱ ቢሌቲዲና። 16 አላ ፓራ ቶጊያ እሳ ፓይዲ ላዑ ፃቱ ሚሎኔ ገዲያዋ ታኒ ሲሳዲ።

17 ቃሲካ ታኒ ሳፃን ፓራቱዋኔ ሄ ፓራቱዋ ቶጌዳ እሳ ቤዓዲ። እሳው ቲራን ዋሌያ ቢራታ ጎንዳሊያ ማላይ ዳዔ። ሄ ቲራን ዋሌያ ቢራታ ጎንዳሊያ ማላይ ታማዳን ዞፆ፤ ሳማዪያ፤ ቃሲ ኤዲያ ዲኒያ ማላ። ፓራቱዋ ሁጺ ጋሙዋ ሁጺያ ማላ። ኡንቱንቱ ዶናፔ ታማይ፣ ጨዋይኔ አዲሊያ ጨሻ ማላቲያ ኤዲያ ዲኒያ ታማይ ኬሴዳ።

18 ፓራቱዋ ዶናፔ ኬሴዳ ታማን፣ ጨዋኒኔ ኤዲያ ዲኒያን ሃ ሄዙ ቦሻቱዋን እሳ ዛሪያፔ ሄዜንሉ ኩሺ ሃይቄዳ። 19 አዪሲ ጎፔ፣ ፓራቶ ዋልቃይ ዶናኒኔ ዲፊያን ዳዔ። ኡንቱንቱ ዲፊካ ሁጺያና ዳዔያ ሸሻ ማላቲ፤ ሄዋን ኡንቱንቱ እሳ ቆሃና።

20 ሃ ቦሻቱዋን ሃይቄናን አቲዳ እሳይ ባሬ ኩሺያን ኦሊያዋ አገቤና። ቃሲ ዋርቃፔ፣ ቢራፔ፣ ናሃሲያ ጌቲቲያ ቢራታፔ ሹቻፔኔ ሚላፔ ኦሴቲዳ፣ ፃላናው ዋይ ሲሳናው ዋይ ሃማታናው ዳንዳዬና ኤቃሲኔ ፃላሄያሲ ጎዪኒያዋካ አገቤና። 21 እሳይ ኤሪዲ ዋጂዳዋ፣ ዋይ ባሬ ቢቲዳዋ፣ ዋይ ባሬ ዋሹሜዳዋ፣ ዋይ ባሬ ዉዔዳዋ አገዳ፣ ባሬ ናጋራፔ ሲሚቤና።

# 10

## ከታንቻኔ ጉላ ማፃፋ

1 ቃሲካ ታኒ ሃራ ዋልቃማ ከታንቻይ ሳሉዋፔ ኬሲዳ፣ ዲጌ ዋጂያዋ ቤዓዲ። ሻሪያ ኢ ማዪ ኡቲዳ፤ ቃሲ ዙሉ አ ሁጺያ ዩዩ አጂ ኡቲዳ። አ ዳሙካ አዋ ማላ፤ አ ጌዲካ ታማ ቱሳ ማላ።

2 ሄ ከታንቻይ ዶያ ዳዔያ ኢቲ ጉላ ፃፃቶ ማፃፋ ባሬ ኩሺያን ኦይቄዳ። ባሬ ኡሺቻ ጌዲያ እባ ቦላ ኤሲዳ፣ ባሬ ሃዲርሳ ጌዲያ ቢታ ቦላ ኤሴዳ። 3 ጉዲያ ጋሙዋዳን፣ ዋልቃፔ ጉዳዳ። ኢ ጉዳዳዋፔ ጉዪያን፣ ላፑ ዳዳቱ አናና ጉንላን ሃሳዬዲና።

4 ኡንቱንቱ ጉሜዳ ዋዴ ታኒ ፃፋናው ቆፓዲ። ሺን ሳሉዋፔ፣ «ላፑ ዳዳቱ ሃሳዬዳዋ እሳው ቃቶፓኔ ፃፎፓ» ያገያ ኮሻይ ታው ሲሴቲዳ።

5 ሄዋፔ ጉዬ፣ አባ ቦላኒኔ ቢታ ቦላን ኤቄዳዲሺን ታኒ ቤዔዳ ከታንቻይ፣ ባሬ ኡሺቻ ኩሺያ ሳሉዋ ፑዳ ሚጨዳ። 6 ሳሉዋኔ

9:20 ማዝ 115:4-7፤ 135:15-17፤ ዳን 5:23      10:5 ኬሰ 20:11፤ ዛር 32:40፤ ዳን 12:7፤ አዋ 3:7

ሳሉዋን ደዲያ ኡባባ፣ ሳዓኔ ሳዓን ደዲያ ኡባባ፣ አባኔ አባን ደዲያ ኡባባ፣ ማጺዳ ማጺ ማጺናው ደዲያ ያሳ ሱንሳን ጨቄዳ። ያተዳ፣ «ዎዲ ዉራናው ጋሚዔና። 7 ሺን ላቸንሳ ኪታንቻይ ባሬ ማላካታ ተኒያ ዎዳ፣ ያሳይ ናባቱዋ ጊዳዳ ባሬ አሺካሬቶ ቃላ ኡዲ ዎጫዳዎዳንካ፣ ኢ ፀ-ሬዳ ቆፋይ ፖሌታና» ያጌዳ።

8 ሄዋፔ ጉዩያን፣ ሳሉዋፔ ሃሳዩሺን ታኒ ሲሴዳ ኮሻይ ለዒንሱዋ ዛሬዳ ታና፣ «አባ ቦላኒኔ ቢታ ቦላን ኤቄዳ ኪታንቻ ኩሺያን ደያ ደዲያ ፃፃቶ ማፃፋ ባዳ አካ» ያጊያዋ ሲሳዲ።

9 ታኒ ሄ ኪታንቻኮ ባዳ፣ ጉሳ ፃፃቶ ማፃፋ ታው ኢማና ማላ፣ አ ኦቻዲ። ኢ ታና፣ «አካዳ ማ፤ ማፃፋይ ኔ ኡሉዋ ጫሚሳናዎ፤ ሺን ኔ ደናን ኤሳዳን፣ ኢ ማልዓናዋ» ያጌዳ።

10 ሄዋፔ ጉዬ፣ ታኒ ኪታንቻ ኩሺያፔ ሄ ጉሳ ፃፃቶ ማፃፋ አካዳ ማዲ፤ ታ ደናን ማፃፋይ ኤሳዳን ማልዔዳ። ሺን ታኒ ሜዳዋፔ ጉዩያን፣ ታ ኡሎ ጊድ ጫሚዳ። 11 ቃሲካ ታና፣ «ያራ ኡባ፣ ዛሬያ ኡባ፣ ዲማ ዲማ ቢታ ቃላኔ ካታቱዋባ ኔኒ ቲምቢቲያ ቃንፃናን ሃሳያናው ቤሴ» ያጌዳ።

# 11

## ላዑ ማርካቱዋ

1 ሄዋፔ ጉዬ፣ ማቃ ማላቲያ ሊኪያ ፃምዓይ ታው ኢሜቲዳ፤ ታና ጌዳዌ ሃዋ፤ «ባዳ ያሳ ጌሻ ጎሊያኔ ያርሺያሳ ሊካ። ሄዋን ጎዪኒያዋንታካ ፓይዳ። 2 ሺን ጌሻ ጎሊው ካሬ ባጋ አጋ ባሻ፤ ሄዋ ሊኮፓ። አዩሲ ጎፔ፣ ሄ ሳዓይ አዩሁዳ ጊዳና አሳው ኢሜቲዳ። አዩሁዳ ጊዳና አሳይ ጌሻ ካታማ ኦይታማኔ ላዑ አጌናው ዩቆና።

3 ታኒ ጋቢያ ማዬዳ ታ ላዑ ማርካቱዋ ኪታና፤ ኡንቱንቱ አቲ ሻዓኔ ላዑ ፃታኔ ኡሱቸን ታው። ጋላሳን ያሳ ኪታ ኦዳና» ያጌዳ።

4 ሄ ላዑ ማርካቱ ሃ ሳዓ ጎዳ ሲንሳን ኤቄያ ያምፒያ ዎሴያ ላዑ ባላቱዋ። 5 ኦኒኔ ኡንቱንታ ቆሃናው ኮዮፔ፣ ኡንቱንቱ ደናፔ ታማይ ኬሲዳ ኡንቱንቱ ሞርኬቱዋካ ቆዩሴ። ቃሲ ኦኒኔ ኡንቱንታ ቆሃናው ኮዮፔ፣ ሄዋዳንካ ሃይቃና። 6 ኡንቱንቱ ያሳ ኪታ ኡዲያ ዎዲያን ኢራይ ቡኩናዳን፣ ሳሉዋ ጎርዳናው ኡንቱንቱሲ ማታይ ደዔ። ኡንቱንቱሲ ሃሳ ሱሳ ኬሲያ ማታይካ ደዔ፤ ቃሲ ኡንቱንቱ ባሬና ኮሺያ ዎዳ፣ ሳዓ ዲማ ዲማ ቦሻን ሸጫናው ኡንቱንቱሲ ማታይ ደዔ።

---

10:8 ሂዝ 2:8-3:3    11:1 ሂዝ 40:3፤ ዛክ 2:1-2    11:2 ሉቅ 21:24  
11:4 ዛክ 4:3፣ 11-14    11:6 1ካት 17:1፤ ኬሰ 7:17-19፤ 1ሳም 4:8

7 ኢንቴንቴ ባሬንቴ ማርካቴላ ወርሴዳዋፕ ጉዩያን፣ ጨዋ ኦላፕ ፑዴ ኬሲያ ደዓይ ኢንቴንቴና ኦሌታና። ሄ ደዓይ ኢንቴንታ ያኒዴ ዎቆና። 8 ኢንቴንቴ ጎዳይ ማሰቃሊያ ቦላን ሚሲማሪያን ጂሼቲዴ ሱሌቲዳ ካታማ ዎጋ ኦጊያን ኢንቴንቴ ኦጋይ ጊሳናዎ። ሄ ካታማይ ለሚሱዋን ሰዶማ ዎይ ጊብፃ ጌቲቲዴ ዳሴቲ። 9 ቃሲ ያራ ኡባፕ፣ ቆሙዋ ኡባፕ፣ ዲማ ዲማ ቢታ ቃላፕኔ ዛሪያ ኡባፕ ዬዳ ኦሳይ ኢንቴንቴ ኦጋ ሄዙ ጋላሳኔ ባጋ ቤዓና። ኦጋይ ሞጌቲና ማላ፣ ሄ ኦሳይ ዲጋና። 10 ሳዓን ዴዒያ ኦሳይ ሃ ቲምቢቲያ ኦዲያ ላዑ ኦሳቲዋ ሃይቁዋን ናሼታና። ኦሳይ ኢንቴንቴ ሃይቁዋ ኢቲ ኢቲዋና ኦሞታ ላሚቲዴ ቦንቻናዎ፤ ኦዴሲ ጎፕ፣ ሳዓን ዴዒያ ኦሳ ኢንቴንቴ ዳሪሲ ሜቶሴዲኖ።

11 ሄዙ ጋላሳኔ ባጋፕ ጉዩያን፣ ዴዑዋ ሼምፑዋ ያሳይ ኢንቴንቴን ሼምፒና፣ ኢንቴንቴ ዴንዲ ኤቁዲኖ። ኢንቴንታ ቤዔዳ ኡባይ ኢታ ያሻ ያዬዳ። 12 ሄዋፕ ጉዩያን፣ ሄ ቲምቢቲያ ኦዲያ ላዑ ኦሳቲ ሳሉዋፕ፣ «ሃ ፑዴ ኬሲቲ» ጊያ ዎልቃማ ኮሻ ሲሴዲኖ። ባሬንቴ ሞርኬቲ ባሬንታ ያሊሺን፣ ኢንቴንቴ ሻሪያን ጌሊዴ፣ ፑዴ ሳሉዋ ቤዲኖ።

13 ሄ ሳቲያን ቢታይ ሎይሊ ቃዲና ካታማፕ ታሙንላ ኩሺ ቆዬዳ። ቃሲ ቢታ ቃላን ላፑ ሻዓ ኦሳይ ሃይቁዴ። ኦቲዳ ኦሳይ ሎይሊ ኮኮሪ ያዬዴ፣ ሳሉዋ ያሳ ጊታቴላ ሳቤዳ።

14 ላዔንሉ ኦዬሮ ጊያዌ ኦጂዳ። ሺን ኦኬኪቲ፤ ሄዜንሉ ኦዬሮ ጊያዌ ኤሌካ ያናዎ።

**ላፑንላ ማላካታ**

15 ሄዋፕ ጉዩያን፣ ላፑንላ ኪታንቻይካ ባሬ ማላካታ ፑኔዳ።

ሳሉዋን፣  
 «ኦላሚያ ካወቲላይ  
 ሃዒ ኑ ጎዳሳኔ  
 ኦ ኪሪሰቶሳሳ፤  
 ቃሲ ሜጲናፕ ሜጲና ጋካናው  
 ኢ ሞዳና»  
 ያጊያ ዎልቃማ ኮሻይ ሲሴቲዳ።

16 ባሬንቴ ኦይዲያን ኡቲዳ ላታማኔ ኦይዲ ጨማቲ ያሳ ሲንላን ዲጌ ጉፋኒዴ፣ ያሳው ጎዩኒዴ ሃዋዳን ያጌዲኖ፤

17 «ሃዒ ዴዒያዎ፣

---

11:7 ዳን 7:7፣ 21፤ ሳፅ 13:5-7፤ 17:8      11:8 ኢሳ 1:9-10      11:11 ሂዝ 37:10      11:12 2ካት 2:11      11:15 ኬስ 15:18፤ ዳን 2:44፤ 7:14፣ 27

ካሴፔካ ደዲያዎ፥  
 ጎዳው፥  
 ኡባፔ ዋልቃማ ያሳው፥  
 ኔው ዋልቃማ ዋልቃይ  
 ደዲያ ዲራውኔ  
 ኔኒ ሞዳናው  
 ደሜዳ ዲራው፥  
 ኑኒ ኔና ጋላቴቶ።  
 18 አዩሁዳ ገደና አሳይ ሃንቄቴዳ፤  
 ኔ ሃንቄካ ዬዳ።  
 ሃይቄዳዋንቱ  
 ፒርዳቴያ ዋዲ ሃዓ፤  
 ቃሲ ኔኒ ኔ ኦሳንቻቶ፥  
 ናባቶ፥  
 ጌሻቶ፥  
 ኔ ሱንሳው ያዩያዋንቶ፥  
 ጶቃቶኔ ላፋቶ  
 ኡንቱንቱ ኦሱዋዳን  
 ኢሚያ ዋዲካ ሃዓ።  
 ሳዓ ጳዩሲያዋንታካ  
 ኔኒ ጳዩሲያ ዋዲ ሃዓ»  
 ያጌዲና።

19 ሳሉዋን ደዲያ ያሳ ጌሻ ጎሊ ደዬቴዳ፤ አ ጌሻ ጎሊያን ያሳ ቃላ ጫቀዋ ታቦታይ ቤቴዳ። ቃሲ ዋልቃንሳይ ዋልቃሜዳ፤ ጉንሳይ ሲሴቴዳ፤ ጉጉንሳይ ጉሜዳ፤ ቢታይ ቃዌዳ፤ ዋልቃማ ሻቻይካ ሻጩዳ።

# 12

ታኒ ሚሺራቶ፥ ናዓኔ ዳዊያ ቤዓዲ

1 ሄዋፔ ጉዩያን፥ ሳሉዋን ዋልቃማ ማላይ ቤቴዳ። አዋ ማዬዳ ኢቲ ሚሺራታ፥ አገና ቦላ ኤቄዳውና፥ ታማኔ ላዑ ያለንቲያ አኪሊሊያ ባሬ ሁጲያን ዋሌዳውና ሄዋን ደዓው። 2 ሄ ሚሺራታ ሻሃራ፤ ኢዞ ዬሉዋ ኦይሳይ፥ ኡንዔሊና ዋሳዲ።

3 ሃራ ኢቲ ዋልቃማ ማላይ ሳሉዋን ቤቴዳ። ታሙ ካጨያና ደዲያ ላፑ ሁጲያን አኪሊሊያ ዋሌዳ ኢቲ ዋልቃማ ዘዖ ዳዊ ደዓ። 4 ሄ ዳዊ ባሬ ዱፊያን ሄዜንሶ ኩሼ ያለንቲያ ሳሉዋፔ

ዳፊዴ፡ ሳፃን ኦሌዳ፡ ሄ ዳዊ ዩሌቲ ዋጵሳናካ ናፃ ማናው ዩላና ሃኒያ ሚሺራቲ ሲንሳን ኤቄዳ፡፡

5 ሚሺራታ ኣቲማ ናፃ፡ ኣዪሁዳ ጊዴና ኣሳ ኡባ ቢራታ ፃምዓን ሞዳናዎ ዩላዲ፡፡ ሺን ናፃይ ያሳኮኔ ኣ ኣራታኮ፡ ፑዴ ኤሌካ ኣከቴዳ፡፡ 6 ሚሺራታ ኣቲ ሻፃኔ ላዑ ጃታኔ ኡሱፑን ታሙ ጋላሳው ሚዚዴኔ ኡሺዴ ዋላናው ያሳይ ገገሲ ዋሌዳ ሳፃ ባዙዎ ባቃታዲ፡፡

7 ሄዎፔ ጉዪያን፡ ሳሉዎን ኦላይ ዴንዴዳ፡፡ ሚካዔሊ ባሬ ኪታንቻቱዋና ኣቲፔ ዳዊያ ኦሌቴዳ፤ ዳዊካ ባሬ ኪታንቻቱዋና ገዲዴ፡፡ ዛሬ ኦሌቴዳ፡፡ 8 ሺን ዳዊ ያኔቲና ዳዊያሲኔ ኣ ኪታንቻቱዋሲ ሳሉዎን ሳፃይ ጳዬዳ፡፡ 9 ዎሊቃማ ዳዊ፡ ፃላሂያ ካፑዎ ዎይ ሴፃና ገያዌ፡ ቤኒ ሸሻይ፡ ኣላሚያ ኡባ ባሌሊያዎ ኦሌቴዳ፤ ኢ ባሬ ኪታንቻቱዋና ኣቲፔ ዲጌ ሳፃው ኦሌቴዳ፡፡

10 ሄዎፔ ጉዪያን፡ ታኒ ሳሉዎፔ ሃዎዳን ያገያ ኮሻ ሲሳዲ፤ «ያሳ ኣቶቴላይ ሃዒ ዩዳ፡፡

ያሳይ ባሬው  
ካቴ ገዲያዎዳንካ  
ባሬ ዎልቃ ቤሴዳ፤  
ኣ ኪሪሰቶሲ ባሬ ማታ ቤሴዳ፡፡  
ኣዪሲ ሳፔ፡

ቃማኔ ጋላሲ  
ያሳ ሲንሳን ኤቄዳ፡፡  
ኑ ኣሻቱዎ ሞቲያዌ  
ሳሉዎፔ ዲጌ ኦሌቴዳ፡፡

11 ኑ ኣሻቱ ዶርሳ ሱላኒኔ  
ባሬንቱ ቱሙ ማርካቴላን  
ዳዊያ ኦሌቴዳ ያኔዲኖ፡፡  
ቃሲ ኡንቱንቱ

ባሬንቱ ሸምፑዎ ኣሊ ኢሚያዎ  
ቃሬቲቤይኪኖ፡፡

12 ሄዎ ዲራው፡  
ሳሉኔ ሳሉዎ ገደን ዴዒያዎንቱ፡  
ናሽቲቱ፡፡  
ሺን ሳፃዉኔ  
ኣባው ኣዬር!

---

12:4 ዳን 8:10    12:5 ኣሳ 66:7፤ ማዝ 2:9    12:7 ዳን 10:13፣ 21፤  
12:1፤ ዳት 9    12:10 ዮብ 1:9-11፤ ዛክ 3:1

አደሲ ጎፔ፣  
 ፃላሂያ ካፑ  
 ባሬው ጉሳ ዎዲ  
 አቴዳዎ ኤሪያ ዲራው፣  
 ዎልቃማ ሃንቁዋን  
 ዲጌ ሂንቴንቴኮ  
 ዎዲዳ»  
 ያጌዳ።

13 ቃሲ ዳዊ ባሬና ዲጌ ሳዓ ኦሌዳዎ ቤዔዳዎፔ ጉዩያን፣ ሄ አቴማ ናዓ ዩሌዳ ሚሺራቶ ዩዳርሱዎ ደሜዳ። 14 ሚሺራቶ ሸሻይ ቆሄና ማላ፣ ሄዙ ላይላኔ ባጋ ማዴኔ ኡሻዴ ኢዛ ናጌቴያሳ ባዙዎ ፓላዴ ባና ማላ፣ ላዑ ዎልቃማ ኣርጋንሳ ቄሬ ኢዚው ኢሜቴዳ።

15 ሄዎፔ ጉዩያን፣ ሚሺራቶ ዲዑ ዲዒዴ አፋና ማላ፣ ሸሻይ ሻፋ ሃላ ኪና ሃላ ባሬ ዶናፔ ሚሺራቲ ጌዲዎን ጉሴዳ። 16 ሺን ቢታይ ሚሺራቶ ማዴዳ፤ ቢታይ ባሬ ዶና ዶዩዴ፣ ዳዊያ ዶናፔ ኬሴዳ ሃላ ሚቲ አጌዳ። 17 ዳዊ ሚሺራቲው ዶሪሲ ሃንቁቲዳ፣ ኢዚ ዜሬላ ያሳ ኣዛዙዎ ናጊያ ኡባቴዎኔ ዩሱሲ ቆንጨሴዳ ቱሙ አማኔቴያዎንታ ኦላናው፣ 18 ቢዴ አባ ዶናን ዴዒያ ሻፊያን ኤቄዳ።

# 13

## ታኒ አባፔ ኬሲያ ላዑ ደዓቱዎ ቤዓዲ

1 ሄዎፔ ጉዩያን፣ ኢቲ ደዓይ አባፔ ኬሲሺን፣ ታኒ ቤዓዲ። አው ታሙ ካጨኔ ላፑ ሁጲ ዴዔ፤ አ ታሙ ካጨያ ቦላን ታሙ አከሊሊ ዴዔ። አ ሁጲያንካ ቦሪያ ሱንላይ ፃፌቲ ኡቴዳ። 2 ታኒ ቤዓዲ ደዓይ ማሂያ ማላቴ፤ አ ጌዲ ባባንሳ ጌቴቴያ ኢታ ዲዓ ጌዲያ ማላቴ፤ አ ዶናይ ጋሙዎ ዶና ማላቴ። ዳዊ ባሬ ዎልቃ፣ ባሬ ካወቴላ ኦይዲያኔ ባሬ ዎልቃማ ማታ ሄ ደዓው ኢሜዳ።

3 ሄ ደዓ ሁጲቱዎፔ ኢቱ ሃይቄዳዎ ማላቴያዎ ታኒ ቤዓዲ፤ ሸን ዎዲያ ማይላይ ፓፄዳ። ሳዓ አሳይ ኡባይ ማላሌቴዳ፣ ሄ ዲዓ ጌዲዎ ካሌዳ። 4 ዳዊ ባሬ ማታ ደዓው ኢሜዳ ዲራው፣ አሳይ ኡባይ ዳዌው ጎዩኔዳ። ቃሲ ሄ አሳይ፣ «ደዓ ማላይ ኦኔ? አናና ኦሌታናው ኦኒ ዳንዳዩ?» ያጌዴ፣ ደዓው ጎዩኔዳ።

---

12:14 ዳን 7:25፤ 12:7    13:1 ዳን 7:3፤ ሳፅ 17:3፣ 7-12    13:2 ዳን 7:4-6



5 ሄ ደዓው ፓላ ዩወዋኔ ቦሪያ ሃሳዪያ ደናይ ኢሜቲዳ።  
 ኦይታማኔ ላዑ ኣገናሲ ኦላና ማላ፣ ኣው ማታይ ኢሜቲዳ።  
 6 ሄ ደዓይ ያሳ፣ ኣ ሱንላ፣ ኢ ዴዒያሳኔ ሳሉዋን ዴዒያ ኡባቱዋ  
 ቦሪያ ደሜዳ። 7 ሄ ደዓይ ያሳ ኣሳቱዋና ኦሌቲዳ፣ ኡንቲንታ  
 ያናና ማላ፣ ኣው ማታይ ኢሜቲዳ። ቆሙዋ ኡባ፣ ያራ ኡባ፣ ዲማ  
 ዲማ ቢታ ቃላ ኡባኔ ዛሪያ ኡባ ሞዲያ ማታይ ኣው ኢሜቲዳ።  
 8 ሳዓይ ሜዴታናፔ ካሴ ሹኬቲዳ ዶርሳ ዴዑዋ ማፃፋን ሱንላይ  
 ፃፌቲቤና ኣሳይ፣ ሳዓን ዴዒያዌ ኡባይ፣ ሄ ደዓው ጎዪናና።  
 9 ሲሲያ ሃይላይ  
     ዴዒያ ኡራይ ሲሶ።  
 10 ኣሞዴታና ኣሳይ ዴፆፔ፣  
 ኦኒኔ ኣሞዴታናዋ።  
     ማሻን ሹኬታና ኣሳይ ዴፆፔ፣  
 ኦኒኔ ማሻን ሹኬታናዋ።  
     ጌሻቱዋ ዳንዲያይኔ  
 ኣማኑ ሃዋን ኤሬታናዋ።

ታኒ ሳዓፔ ኬሲያ ደዓ ቤዓዲ

11 ሄዋፔ ጉዪያን፣ ሃራ ደዓይ ሳዓፔ ኬሲያዋ ታኒ ቤዓዲ።  
 ዶርሳ ካጪያ ማላቲያ ላዑ ካጪ ኣው ዴዒ፤ ሺን ሄ ደዓይ  
 ዲዋያዲን ሃሳዪዳ። 12 ሄ ደዓይ ኮይሮ ደዓ ዋልቃማ ማታ ኡባ  
 ኣ ሲንላን ኦሌዳ። ሳዓይኔ ሳዓን ዴዒያ ኣሳይ ኡባይ ኣ ዋዲያ  
 ማይላይ ፓዌዳ ኮይሮ ደዓው ጎዪናና ማላ፣ ሄ ደዓይ ጎዳቲዳ።  
 13 ሄ ላዒንላ ደዓይ ዋልቃማ ማላታቱዋ ኦሌዳ፤ ሃራይ ኣቶ ታማ  
 ሳሉዋፔ ኣሳ ኡባ ሲንላ ሳዓ ዋላና ጋካናው ማላታቱዋ ኦሌዳ።  
 14 ኮይሮ ደዓ ሲንላን ኦላናው፣ ኣው ኢሜቲዳ ማላታቱዋን ሳዓን  
 ዴዒያ ኣሳ ኡባ ኢ ባሌሌዳ። ማሻን ማይላቶፔኔ ፓፃ ዴዒያ  
 ኮይሮ ደዓ ቦንቾ ሚሲሊያ ገገሳናዲን፣ ሳዓ ኣሳ ኡባው ላዒንላ  
 ደዓይ ኦዴዳ። 15 ቃሲ ኮይሮ ደዓ ሚሲሊ ሃሳያናዲኒ ባሬው  
 ጎዪኔና ኡባ ዋላናዲን፣ ላዒንላ ደዓይ ባሬ ሸምቱዋ ኮይሮ ደዓ  
 ሚሲሊያን ሸምቱዋ ገሊሳናው ኣዛዘቲዳ።  
 16 ኣሳይ ኡባይ ዋጋይኔ ቄራይ፣ ማንቁኔ ዲራ፣ ዋማኑኔ ኣይሊ  
 ባሬ ኡሼቻ ኩሺያን ዋይ ባሬ ዴሙዋን ማላ ዋላናዲን፣ ሄ ላዒንላ  
 ደዓይ ጎዳቲዳ። 17 ሄ ደዓ ሱንላይ ዋይ ኣ ሱንላ ፓይዲ ዴዒያ  
 ማላይ ባይና ኣሳይ ኦኒኔ ዛሊዓናዉኔ ሻማናው ዳንዲዬና።

---

13:5 ዳን 7:8፣ 25፤ 11:36      13:7 ዳን 7:21      13:8 ማዝ 69:28  
 13:10 ኤርሞ 15:2፤ 43:11

18 አዲዳ ኤራቴላይ ሃዋን ዴዔ። ኤራይ ዴዔያ ኦኒኔ ሄ ደዓ ፓይዲዋ ቢሌላ ኤር፤ አዲሲ ጎፔ፣ ሄ ፓይዲ ኢቲ አሳ ሱንላ። አ ፓይዲ ኡሱፑን ያታኔ ኡሱፑን ታማኔ ኡሱፑ።

# 14

ታኒ ደርሳኔ 144000 አሳቱዋ ቤዓዲ

1 ሃዋፔ ጉዲያን፣ ታኒ ቤዓዲ። ቤዒቱ፣ ደርሳይ ዲዮኔ ዴሪያ ቦላ ኤቄዳ። አ ሱንላይኔ አ አቡ ሱንላይ ዴሙዋን ፃፊቱዳ፣ ኢቲ ያታኔ ኦይታማኔ ኦይዲ ሻዓ አሳቱ አናና ኢቲፔ ዴዒኖ። 2 ሳሉዋፔ ኩንሶ ሃላ ጉንላኔ ዳዳ ጉንላ ማላቲያ ዋልቃማ ኮሻ ታኒ ሲሳዲ። ቃሲ ታኒ ሲሴዳ ኮሻይ ዲላ ዲዲያዋንቱ ባሬንቱ ዲላ ዲዲና ሲሴቲያ ኮሻ ማላቲ። 3 ኢቲ ያታኔ ኦይታማኔ ኦይዲ ሻዓ አሳቱ ካወቱላ ኦይዲያ ሲንላን፣ ኦይዲ ፓፃ ዴዒያ ማዴታቱዋ ሲንላኒኔ ጨማቱዋ ሲንላን ኤቄዲኖ። ሳዓፔ ዋዜቱዳ ኡንቱንቱፔ አቲን፣ ሃራይ ኦኒኔ ታማራናው ዳንዳዬና ኦራላ ማዚሙሪያ ዬዴዲኖ። 4 ሃዋንቱ ጌሻ አሳቱዋ ጊዲያ ዲራው፣ ማጫዋንቱና ጋኬቲዴ ባሬና ቱኒሲቤይኪኖ። ደርሳይ \* ቢያሳ ኡባ ኡንቱንቱ ካሊኖ። ኡንቱንቱ ያሳሲኔ ደርሳሲ ባይራ ጊዳናው፣ ሳዓ አሳ ጊዶፔ ዋዜቱዳዋንታ። 5 ኡንቱንቱ ኡባካ ዋርዶቲ ኤሪኪኖ፤ ኡንቱንቱን ባዲዙ ባዋ።

ታኒ ያሳ ኪታንቻ ቤዓዲ

6 ሳዓን ዴዒያ አሳ ኡባው፣ ዛሪያ ኡባው፣ ቆሙዋ ኡባው፣ ዲማ ዲማ ቢታ ቃላ ኡባወኔ ያራ ኡባው ማዴና ዋንጋላ ሚሺራቹዋ አዋጃናው፣ ቦላ ሳሉዋን ፓሊያ ሃራ ኪታንቻ ታኒ ቤዓዲ። 7 ሄ ኪታንቻይ ባሬ ቃላ ቶቄ ኡዲዳ፣ «ያሳው ያዩቲ፤ አ ቦንቸቱ። አዲሲ ጎፔ፣ ሳዓ አሳ ኢ ፐርዲያ ሳቲ ጋኬዳ። ሳሉዋ፣ ሳዓ፣ አባኔ ሃላ ፑልቱዋ ማዴዳ ያሳው ጎዪኒቱ» ያጌዳ።

8 ሃራ ላዒንሶ ኪታንቻይ፣ «ዋልቃማ ባቢሎና ኩንዳዲ፤ ኢዛ ኩንዳዳ ጋሱኔካ አሳ ዛሪያ ኡባ ኢታ ኦሱዋ ኦሲሲያ ዲራሳ» ያጌዳ፣ ኮይሮ ኪታንቻ ካሌዳ።

9 ሃዜንሶ ኪታንቻይ ባሬ ኮሻ ቶቄ ኡዲዳ፣ ሃዋዳን ያጌዳ፣ ኮይሮ ላዑ ኪታንቻቱዋ ካሌዳ፤ «ደዓወኔ አ ሚሲሌው ጎዪኒያ ኦኒኔ ቃሲ አ ማላ ባሬ ዴሙዋን ዋይ ባሬ ኩሺያን ዋሴያ ኦኒኔ

14:1 ሃዘ 9:4፤ ሳፅ 7:3 \* 14:4 ደርሳ፣ ዬሱሳው አሚቲዳ ሱንላ። 14:5 ሶፍ 3:13 14:8 ኢሳ 21:9፤ ኤርሞ 51:8፤ ሳፅ 18:2

ዴፖፔ፡ 10 ያሳይ ባሬ ዎልቃማ ሃንቁዎ ቡርጩኩዎን ኩንጱዳ ሃንቁዎ ዎዩኒያ ኤሳ ኢ ኡሻና። ሄዎ ኦጱዳ ኡባይ ጌሻ ኪታንቻቱዎ ሲንሳኒኔ ደርሳ ሲንሳን፡ ታማኒኔ ኤዲያ ዲኒያን ፓፃ ካዔታና።  
 11 ኡንቱንታ ፓፃ ካዲያ ታማ ጩዎይ ሜዲ ሜዲናው ጩዎታና። ደዓዉኔ ሄ ደዓ ሚሲሌው ጎዩኒያ ኦሲኔ ቃሲ ሄ ደዓ ሱንሳ ማላታና ዴዲያ ኦሲኔ ቃማኔ ጋላሲ ሸምፑ ባዎ» ያጌዳ።

12 ያሳው ኣዛዜቲያኔ ዬሱሳው ኣማኔቲያ ጌሻቱ ዳንዳዩያ ዳንዳያይ ሃዎና።

13 ሄዎፔ ጉዩያን ሳሉዎፔ፡ «ሃዎ ፃፋ፤ ሃዎፔ ሲንሳው ጎዳን ሃይቂያዎንቱ ኣንጄቴዳዎንታ» ያጌያ ኮሻ ታኒ ሲሳዲ።

ኣያናይ፡ «ቱማ፤ ኡንቱንቱ ባሬንቱ ዳቡራፔ ሸምፓና፤ ኣዩሲ ጎፔ፡ ኡንቱንቱ ሎፖ ኪታው፡ ያሳይ ሎዑዎን ዛራና» ያጌ።

**ታኒ ቆይቻ ዎዲያ ቤዓዲ**

14 ቃሲካ ታኒ ቤዓዲ። ቤዒቱ፡ ቦላ ሻሪ ዴዔ። ሻሪያ ቦላን ኣሳ ናዓ ማላቲያዌ ኡቴዳ፤ ኣ ሁጲያን ዎርቃ ኣኪሊሊ፡ ቃሲ ኣ ኩሺያን ቃራ ባጫይ ዴዔ። 15 ሃራ ኪታንቻይ ጌሻ ጎሊያፔ ኬሲዴ፡ ሻሪያ ቦላን ኡቴዳዎ ባሬ ቃላ ቶቁ ኡዲዴ፡ «ቆይቻ ሳቲ ጋኬዳ ዲራው፡ ኔ ባጫ ዬዳዴ ካላ ቆይጫ፤ ኣዩሲ ጎፔ፡ ሳዓ ካላይ ሜሌዳ» ያጌዳ። 16 ሻሪያ ቦላን ኡቴዳዌ፡ ባሬ ባጫ ሳዓ ዬዲዴ፡ ሳዓ ካላ ጫኬዳ።

17 ቃሲካ ሳሉዎን ዴዲያ ጌሻ ጎሊያፔ ሃራ ኪታንቻይ ኬሴዳ፤ ኣዉካ ኩሳ ባጫይ ዴዔ።

18 ታማው ካፖ ጊዴዳ ሃራ ኪታንቻይ ያርሺያሳፔ ኬሲዴ፡ ኩሳ ባጫይ ዴዲያ ኪታንቻው ባሬ ቃላ ቶቁ ኡዲዴ፡ «ዎዩኒያ ኣይፊ ቴሪዳ ዲራው፡ ኔ ኩሳ ባጫ ዬዳዴ፡ ሳዓን ዴዲያ ዎዩኒያ ቱራፔ ሆንዶዳ ኣይፊያ ቃንፃ!» ያጌዳ። 19 ሄ ኪታንቻይ ባሬ ባጫ ሳዓ ዬዲዴ፡ ሳዓን ዴዲያ ዎዩኒያፔ ሆንዶዳ ኣይፊያ ቃንፃዳ፤ ያሳ ዎልቃማ ሃንቁዎ ሄ ዎዩኒያ ጉሚዲያ ኦላን ዬጌዳ።  
 20 ካታማፔ ጋፃን ዴዲያ ዎዩኒያ ኣይፊያ ጉሚዲያ ኦላን ዎዩኒያ ኣይፊ ጉሚዲያ፡ ሱሳይ ኬሲዴ፡ ሄ ዎዩኒያ ጉሚዲያ ኦላፔ ሄዙ ፃቱ ኪሎ ሚቲሪያ ኬና ሃኪዴ፡ ፓራው ፑሉዎ ጋኪያዎ ኬና ቶቁ ጊዴ ኤሌዳ።

---

14:10 ኢሳ 51:17፤ ደሞ 19:24፤ ሃዝ 38:22    14:11 ኢሳ 34:10    14:14 ዳን 7:13    14:15 ኢዩ 3:13    14:20 ኢሳ 63:3፤ ሴል 1:15፤ ሳፅ 19:15

# 15

## ታኒ ቡርጨኩዋ አባ ቤዓዲ

1 ታኒ ሳሉዋን ሃራ ዋልቃማኔ ማላሊሲያ ማላ ቤዓዲ። ያሳ ሃንቁ ኡንቱንቱ ቦላን ፖሌቲያ ዲራው። ዉርሴላ ላቸ ቦሻና ዴዒያ ላቸ ኪታንቻቱ ዴዒኖ።

2 ቃሲካ ታኒ ቡርጨኩዋ አባ ማላቲያዋ ታማና ዋላኬቲዳዋ ቤዓዲ። ቃሲ ደዓ። አ ሚሲሊያኔ አ ሱንላ ፓይዲዋ ያኔዳዋንታ ቤዓዲ። ያሳይ ኡንቱንቱሲ ኢሜዳ ዲላቱዋ ኦይቁዴ። ቡርጨኩዋ ማላቲያ አባ ማታን ኡንቱንቱ ኤቁዲኖ። 3 ኡንቱንቱ። ያሳ ኦሳንቻ ሙሴ ማዚሙሪያኔ ደርሳ ማዚሙሪያ ሃዋዲን ዬፆዲኖ።

«ጎዳው፡  
ኡባፔ ዋልቃማ ያሳው፡  
ኔ ኪታይ ገታኔ ማላሊሲያዋ።

አሳ ዛሪያ ኡባ ካቲው፡  
ኔ ኦጊ ዲሉዋኔ ቱሙዋ።

4 ጎዳው፡ ኔው ያዬናዌኔ  
ኔ ሱንላ ቦንቹናዌ ኦኔ?

አዪሲ ጎፔ፡ ጌሻይ ኔ ፃላላ።  
አሳ ዛሪያ ኡባይ ዪዴ፡

ኔ ሲንላን ጎዪናና፤  
አዪሲ ጎፔ፡ ኔ ዲሎ ኪታይ

ኡባው ቆንጨዳ»  
ያገዴ ዬፂኖ።

## ላቸ ቦሻና ዴዒያ ላቸ ኪታንቻቱዋ

5 ሄዋፔ ጉዪያን፡ ታኒ ሳሉዋን ዴዒያ ጌሻ ጎሊ ደዬቶዋ ሄዌካ ማርካቴላ ዲንካኒያ ቤዓዲ። 6 ላቸ ቦሻና ዴዒያ ላቸ ኪታንቻቱ

ጌሻ ጎሊያፔ ኬሴዲኖ። ኡንቱንቱ ጰሊዴ ቦፂያ ላይኑዋ ማዩዋ ማዬዲኖ፤ ባሬንቱ ቲራ ዋርቃ ዲንጨዋን ዩሺ አሊዴ ቃቹዲኖ። 7 ዴዐዋን ዴዒያ ኦይዲ ሜጴታቱዋፔ ኢቱ። ሜጴ ሜጴናው ጋካናው ዴዒያ ያሳ ሃንቁ ኩሜዳ ላቸ ዋርቃ ኬሬቱዋ ላቸ

ኪታንቻቶ ኢሜዳ። 8 ያሳ ቦንቹዋፔኔ አ ዋልቃፔ ቡዳ ጨዋይ ጌሻ ጎሊያ ኩሜዳ። ላቸ ኪታንቻቱ አሄዳ ላቸ ቦሻቱ ፖሌታና ጋካናው፡ ጌሻ ጎሊያ ኦኒኔ ጌላናው ዲንዳዪቤና።

---

15:3 ኬስ 15:1    15:4 ኤርሞ 10:7፤ ማዝ 86:9    15:5 ኬስ 38:21  
15:8 ኬስ 40:34፤ 1ካት 8:10-11፤ 2ኦድ 5:13-14፤ ኢሳ 6:4

# 16

ፆሳ ሃንቁ ኩሜዳ ኬሪቱዋ

1 ሄዋፔ ጉዲያን፣ ላፑ ኪታንቻቶ፣ «ቢዳ ፆሳ ሃንቁዋ ላፑ ኬሪያፔ ሳሳን ጉሲቱ» ያጊዴ፣ ጌሻ ጎሊያፔ ሃሳዱያ ዋልቃማ ኮሻ ታኒ ሲሳዲ።

2 ኮይሮ ኪታንቻይ ቢዴ፣ ባሬ ኬሪያን ዴዲያዋ ሳሳን ጉሲና፣ ደዓ ማላይ ዴዲያዋንቱ ቦላኔ ሄ ደዓ ሚሲሌው ጎዪኒያዋንቱ ቦላ ሎይሴ ሳኪያ ማይላ ኬሴዳ።

3 ላዔንሎ ኪታንቻይ ባሬ ኬሪያን ዴዲያዋ ኣባን ጉሲና ኣባ ሃላይ ሃይቄዳ ኣሳ ሱላ ማላቴዳ። ቃሲ ኣባን ዴዲያ ሜዴታ ኡባይካ ሃይቄ ኣጌዳ።

4 ሄዜንሎ ኪታንቻይ ባሬ ኬሪያን ዴዲያዋ ሻፋቱዋኒኔ ፑልታቱዋን ጉሲና ኡንቱንቱ ሱላ ጊዴዲኖ። 5 ሃላው ኣዋቲያ ኪታንቻይ ሃዋዳን ያጊያዋ፣ ታኒ ሲሳዲ፤

«ካሴካ ሃዒካ ዴዲያ ጎዳው፣ ጌሻው፣

ሃ ፐርዳ ፐርዳዳ ዲራው፣ ኔኒ ዒሉዋ።

6 ኡንቱንቱ ጌሻቱዋ ሱላኔ ናባቱዋ ሱላ ጉሴዳ ዲራው፣

ኔኒ ኡንቱንታ ኡሻናው ሱላ ኡንቱንቶ ኢማዳ።

ኡንቱንቱ ባሬንቶ ቤሲያዋ ኣኬዲኖ» ያጌዳ።

7 ያርሹዋ ያርሺያሳፔ፣ «ጎዳው፣

ኡባፔ ዋልቃማ ፆሳው፣ ኔ ፐርዳይ ቱሙዋኔ ዒሉዋ!»

ያጊያ ኮሻ ታኒ ሲሳዲ።

8 ኦይዴንሎ ኪታንቻይ ባሬ ኬሪያን ዴዲያዋ ኣዋይፊያ ቦላን ጉሲና ባሬ ታማ ሴላን ኣሳ ጉዳናው፣ ኣዋይፊው ማታይ ኢማቴዳ።

9 ኣሳይ ዋልቃማ ሴላን ጉዳቲዴ ሃ ቦሻቱዋ ቦላን ማታይ ዴዲያ

ፆሳ ሱንፋ ቦሬዳ። ሺን ባሬ ናጋራፔ ሲሚቤናኔ ፆሳ ገታቴፋካ ቦንቺቤና።

10 ኢቼሼንፋ ኪታንቻይ ባሬ ኬሪያን ዴዲያዋ ዶዓ ካዉቲፋ ኦይዲያ ቦላ ጉሲና፣ ሄ ዶዓ ካዉቲፋይ ቋሜዳ። ኣሳይ ባሬ ሴላ ዲራው፣ ባሬ ኢንፃርሳ ሳዔዳ። 11 ቃሲ ኣሳይ ባሬ ሴላ ዲራውኔ ባሬ ማይፋ ዲራው ሳሉዋ ፆሳ ሸቄዳ። ሺን ባሬ ኦሴዳ ናጋራፔ ሲሚቤና።

12 ኡሱፑንፋ ኪታንቻይ ባሬ ኬሪያን ዴዲያዋ ዋጋ ኤፊራዳሳ ጌቴቲያ ሻፋን ጉሲና ኣዋይ ዶሊያ ባጋፔ ያና ካታቴዋሲ ኦጊ ጊጋናዳን፣ ሃፋይ ሜሊዳ። 13 ሄዋፔ ጉዪያን፣ ታኒ ሸቋያ ማላቲያ ሄዙ ቱና ኣያናቲ ዳዋያ ዶናፔ፣ ዱዓ ዶናፔኔ ዋርዱዋ ቲምቢቲያ ኦዲያዋ ዶናፔ ኬሲሺን ቤዓዳ። 14 ኡንቲንቲ ማላቲዋ ኦሴያ ፃላሃቲዋ ኣያናቲዋ። ሄ ሄዙ ኢታ ኣያናቲ ኡባፔ ዋልቃማ ፆሳ ዋልቃማ ጋላሳን፣ ሳዓ ካታቴዋ ኡባ ኦላው ሸሻናው ባና።

15 «ቤዓ፣ ታኒ ካዪሱዋዳን ያና። ኣሳ ሲንፋን ካሎ ሃሜቲዴ ዬላቲና ማላ፣ ጌሚዲሼናን ባሬ ማዩዋ ማዪዴ ናጊያ ኡሪይ ኣንጃቴዳዋ!» ያጌዳ።

16 ሄ ኢታ ኣያናቲ ካቴቲዋ ኢብራዪሰዳ ቃላን ኣሪማጌዶና \* ጌቴቲያ ሳዓ ሺሺዲና።

17 ላፑንፋ ኪታንቻይ ባሬ ኬሪያን ዴዲያዋ ጫርኩዋን ጉሲና፣ ጌሻ ጎሊያን ዴዲያ ኣራታፔ፣ «ፖሌቲዳ» ያጊያ ዋልቃማ ኮሻይ ዬዳ። 18 ሄዋፔ ጉዪያን፣ ዋልቃንፋይ ዋልቃሜዳ፤ ጉንፋይ ሲሴቲዳ፤ ጉጉንፋይካ ጉሜዳ። ቃሲ ቢታይ ፓላ ቃፋ ቃዳዳ። ኣሳይ ሳዓን ሜዴቶዴፔካ ቢታይ ሄዋ ማላ ቃፋ ቃዲ ኤሬና፤ ሄዋ ኡባፔ ኣዴዳ ቃፋ። 19 ዋሊቃማ ካታማይ ሄዙ ኬሲዴ ዛዔዳ። ቢታ ኡባን ዴዲያ ካታማቲ ቋዬዲና። ፆሳይ ዋልቃማ ባቢሎኖ ቆፒዳ፣ ባሬ ኢታ ሃንቁዋ ዋዪኒያ ኤሳይ ኩሜዳ ቡርጨኩዋፔ ዋዪኒያ ኤሳ ባቢሎኖ ኡሼዳ። 20 ኣባን ዶዴቲዳ ቢታይ ኡባይ ቋዬዳ፤ ዴሪካ ቤቲቤና። 21 ኣሳ ቦላ ኦይታሙ ኪሎ ኬና ዴዲያ ዋልቃማ ሻቻይ ሳሉዋፔ ዋዴዳ። ኣሳይ ሄ ሻቻ ቦሻ ዲራው፣ ፆሳ ቦሬዳ፤ ኣዪሲ ጎፔ፣ ቦሻይ ዳር ዋልቃማ።

16:10 ኬሰ 10:21 16:12 ኣሳ 11:15 \* 16:16 ኣሪማጌዶና ሃ ቃላው ኮይርቲ ዴዲያ ኢብራዪሰዳ ሜዴታይ፣ «ሃር-ማጊዶ» ያጊያዋ ጊዲዳ፣ «ሃር-ማጊዶ» ጊያዋ ዴዲያ ቢሌፋይ፣ «ሜጊዶ-ዞዚያ» ያጊያዋ። ሃዋ ጉሳይ ቤኒ ዋዲያን ኣሳይ ጮራ ኣላ ኦሌቲዳ ሳዓ ጉሳ። 16:16 2ካት 23:29፤ ዛክ 12:11 16:19 ኣሳ 51:17 16:21 ኬሰ 9:23፤ ሳፅ 11:19

# 17

## ባቢሎን ቦላ ያና ሙራ

1 ሄዋፔ ጉዩያን፣ ላፑ ከሬቱ ዳዒያ ላፑ ከታንቻቱዋፔ አቱ ታኮ ዩዴ፣ ታና ሃዋዳን ያጌዳ፤ «ሃ ያ፤ ዳር ሻፋቱዋ ጋፃን ዳዒያ ዋሹሚያ፣ ዋልቃማ ካታማታ፣ ዋና ሙራታኔንቶ፣ ታኒ ኔና ቤሳና።  
 2 ሳዒን ዳዒያ ካታቱ ኢዚና ዋሹሚዲና፤ ሳዒን ዳዒያ አሳይካ ኢዚ ዋዩኒያ ኤሳ ኡሺ ማሶቲዴ ኢዚና ዋሹሚዳ» ያጌዳ።  
 3 ሄ ከታንቻይ ታና አያናን ባዙዋ አፌዳ። ሄዋን ታኒ አቲ ሚሺራቶ ቦሪያ ሱንሳይ ቦላ ኡባን ፃፊቲ ኡቲዳ ዞዎ ደዓ ቶጌዳወኖ ቤዓዲ፤ ሄ ደዓው ላፑ ሁጲያን ታሙ ካጪ ዳዒ። 4 ሄ ሚሺራታ ቱራ ኦቻ ማላቲያ ማዩዋኔ ዞዎ ማዩዋ ማያዲ፤ ኢዛ ቃሲ ዋርቃን፣ ቦንቾ ሹቻኒኔ ኢንቁዋ ጌቲቲያ አልዎ ሹቻን አሌቃዲ። ኢዛ ዋሹሚያ ቱናባይኔ ሸኔዩያባይ ኩሚዳ ዋርቃ ቡርጩኩዋ ባሬ ኩሺያን ኦይቃዲ። 5 ኢዚ ዳሙዋን ፀራ ዩወዋ ቢሌሳይ ዳዒያ ሱንሳይ፣

«ዋሊቃማ ባቢሎኖ፤  
 ሳዒን ዳዒያ  
 ዋሹሚያዋንቶኔ  
 ሳዒን ዳዒያ  
 ሸኔዩያባው አቶ»

ያጌያዌ ፃፊቲ ኡቲዳ።

6 ቃሲ ሄ ሚሺራታ ጌሻቱዋ ሱላኔ ዩሱሳው ማርካቲሺን ዋዴዳዋንቱ ሱላ ኡሻዴ ማሶቲዳወኖ ታኒ ቤዓዴ ማላሌታዲ።  
 7 ከታንቻይ ታና፣ «ኔኒ አዩሲ ሃዋዳን ማላሌታዲ? ታኒ ኔው ሚሺራቲ ፀራ ዩወዋኔ ኢዛ ቶኬዳ ላፑ ሁጲያን ታሙ ካጪ ዳዒያ ዲዓ ፀራ ዩወዋ ኦዳና። 8 ኔኒ ቤዒዳ ደዓይ ካሴ ዳዒ፤ ሺን ሃዒ ባዋ። ሄ ደዓይ ጨዋ ኦላፔ ኤሌ ኬሲዴ፣ ባሻው ባናዋ። አላሚ ሜዴቶዴፔ ደሚዳ፣ ዳዑዋ ማፃፋን ኡንቱንቱ ሱንሳይ ፃፊቲቤና ሳዒን ዳዒያ አሳይ ደዓ ቤዒዴ ማላሌታና። አዩሲ ጎፔ፣ ኢ ካሴ ዳዒ፤ ሃዒ ባዋ፤ ሺን ሲንሳፔ ያናዋ።  
 9 «ሃዌ አዴዳ ኤራቴላኔ አኮካ ኮዩ። ላፑ ሁጲ ሚሺራታ ኡቲያ ላፑ ዳሬቱዋ፤ ሄዋንቱ ቃሲ ላፑ ካታቱዋ። 10 ኡንቱንቱፔ ኢቼሹ

---

17:2 ኢሳ 23:17፤ ኤርዎ 51:7      17:4 ኤርዎ 51:7      17:8 ዳን 7:7፤ ሳፅ 11:7፤ ማዝ 69:28

ካታቱ ኩንዳዲኖ። ኢቱ ሃዲ ጋካናሲካ ሞዴ፤ ዮኮ ካቲ ዪቤና። ኢ ዪዴ፣ ጉላ ዋዲያ ታካናው ቤሴ። 11 ካሴ ዴዴዳ ደዳይ፣ ሃዲ ባይናዌ፣ ኢ ባሬ ሁጳው ሆሰፑንፋ ዲዳ። ኢ ላፑ ደዳቱዋፕ ኢቱዋ፤ ኢ ጳያናው ቤ።

12 «ኔኒ ቤዔዳ ታሙ ካጨቱ ሞዳናው ደሚቤና ታሙ ካቱቱዋ። ሺን ኡንቱንቱ ደዳና ኢቲፕ ኢቲ ሳቱው ካቱቱዋዳን ሞዳናው ኡንቱንቱሲ ማታይ ኢሚታና። 13 ኡንቱንቱሲ ኡባው ኢቲ ቆፋይ ዴዴ፤ ኡንቱንቱ ባሬንቱ ዋልቃኔ ባሬንቱ ማታ ደዳው ኢማና። 14 ኡንቱንቱ ደርሳና ኦሌታና፤ ሺን ደርሳይኔ ደርሳና ዴዴዋንቱ፣ ኢ ዪጌዳዋንቱኔ ደሬዳዋንቱ፣ ኢ ካሊያ ኢማኔቱዳዋንቱ፣ ሄ ካቱቱዋ ያናና፤ ኢዪሲ ሳፔ፣ ኢ ሳዳቱዋ ሳዳኔ ካቱቱዋ ካቲያ» ያጌዳ።

15 ኪታንቻይ ቃሲካ ታና ሃዋዳን ያጌዳ፤ «ጫራታ ኡቲዳ ሄ ኔኒ ቤዔዳ ሃሳይ ያራቱዋ፣ ጮራ ኣሳ፣ ኣሳ ዛሬቱዋኔ ዲማ ዲማ ቢታ ቃላ። 16 ቃሲ ኔኒ ቤዔዳ ታሙ ካጨኔ ደዳይ ዋሹሜዉኖ ኢፃናዋንታ። ኡንቱንቱ ኢዚው ዴዴያ ኡባባ ኣኪዲጋና። ቃሲ ኢዛ ካሎ ኣሻናኔ ኢዚ ኣሹዋ ሚዲጋና፤ ያቲዴ ኡንቱንቱ ኢዛ ታማን ጉዳና። 17 ኣዪሲ ሳፔ፣ ያሳ ቃላይ ቱማታና ጋካናው፣ ኡንቱንቱ ቆፋይ ኢቱዋ ጊዳናዳን፣ ኡንቱንቱ ባሬንቱ ሞዲያ ዋልቃ ደዳው ኢማናዳኔኔ ያሳይ ቆፕዳዋ ኡንቱንቱ ኦላናዳን፣ ኡንቱንቱ ዋዛናን ያሳይ ኣሙዋ ዋጴዳ።

18 «ሄ ኔኒ ቤዔዳ ሚሺራታ ሳዓ ካቱቱዋ ሞዲያ ዋልቃማ ካታማቶ» ያጌዳ።

# 18

## ባቢሎን ኩንዳፋ

1 ሄዋፕ ጉዪያን፣ ዋልቃማ ማታይ ዴዴያ ሃራ ኪታንቻይ ሳሉዋፕ ዋጲሺና፣ ታኒ ቤዓዲ። ሄ ኪታንቻ ቦንቹ ሳዓ ፖዒሴዲ።

2 ሄ ኪታንቻይ ባሬ ኮሻ ጶቁ ኡዲዴ፣  
«ኢዛ ኩንዳዲ!»

ዋልቃማ ባቢሎና ኩንዳዲ!  
ባቢሎና ፃላሃቱ ኣቂያሳ ጊዳዲ፤  
ኢታ ኣያናቱ ኡባቱኔ  
ኢፃቲያ ኢታ ካፋቱ ኡባቱ  
ኢኒ ዴዲና።

17:12 ዲን 7:24      18:2 ኢሳ 13:21፤ 21:9፤ ኤርሞ 50:39፤ 51:8፤ ሳፅ 14:8



3 አዲሲ ጎፔ፥  
 አሳ ዛሪያ ኡባ  
 ባሬ ማሉዳያ ዋዲያ ኤሳ  
 ኡሺና

አዚና ዋሹሜዲኖ።  
 ቃይካ ሳባ ካታቱ  
 አዚና ዋሹሜዲኖ።  
 ኢዚ አሻሎ ዋልቃ ጋሱዋን  
 ሳባን ዳዲያ  
 ዛለባንቻቱ ዲሬቴዲኖ»  
 ያጌዲ።

4 ሄዋፔ ጉዱያን፥  
 ታኒ ሳሉዋፔ  
 ሃዋዳን ያጌያ  
 ሃራ ኮሻ ሲሳዲ፤  
 «ታ አሳው፥ አፔ ከሲቱ!  
 ኢዚ ናጋራ ኢዚና ኮፆፕቴ!  
 ኢዚ ሙራ ጊሼቶፕቴ።

5 አዲሲ ጎፔ፥  
 ኢዚ ናጋራይ  
 ሳሉዋ ጋካናው ደሬቲ ኡቴዲ።  
 ፆሳይ ኢዚ ኢታ ባዩዙዋ  
 ሃሳዬዲ።

6 ኢዛ አሜዳዋ ከና ዛሪዴ፥  
 ኢዚው አሚቱ።  
 ኢዛ ኦሌዳዋ

ላዑ ኩሺያ  
 ኢዚው ቃንፂቴ።  
 ኢዛ ሂንቴንቱሲ ጊጊሴዳ ኡሻፔ  
 ላዑ ኩሺያ ኡሻ  
 ኢዚ ቡርጩኩዋ ኩጎላቴ።

7 ኢዛ ቦንቼቴዳዋኔ  
 አሻሌዳዋ ከና  
 ኢዞ ቱጋዩቴኔ ካዮዩቴ።  
 ኢዛ ባሬ ዋዛናን፥  
 ሓኒ ካታቲዳን ኡታይ፤

---

18:3 አሳ 23:17፤ ኤርሞ 51:7  
 18:6 ማዝ 137:8፤ ኤርሞ 50:29

18:5 ደሞ 18:20-21፤ ኤርሞ 51:9

ታኒ አሲናይ ባይና ማጫወኖ ጊዲኬ፤

ቃሲ ኡባካ ካዮቲኬ፤

ያጋው።

8 ሄዋ ዲራው፤

ኢዚ ቦሻ ኡባይ

ሃርጊ፤ ካዩኔ ኮሻይ

ኢዞ ኢቲ ጋላሲ ኦይቃና።

ቃሲ ኢዛ ታማን ጉዴታና፤

አዪሲ ጎፔ፤

ኢዚ ቦላ ፒርዲያ

ጎዳ ያሳይ ዋልቃማ»

ያጌዳ።

9 ሳባ ካታቱ፤ ኢዚና ዋሹሚዴ አሻሌዳዋንቱ ሄ ካታማታ ጉዴታና፤ ኬሲያ ጩዋ ቤዔዳ ዋዴ፤ ካታማቲው ኡንቱንቱ ዋሳናኔ ዩካና። 10 ኡንቱንቱ ሄ ካታማቲ ኡጋው ያዩዳ ዲራው፤ ሃኪ ኤቂዴ፤ «ሃ ዋልቃማ ካታማቱ! ዋልቃማ ካታማቱ! ባቢሎኔ፤ ኔው አዬር! ኔኒ አይ ማላ ቱጋታኒሻ። ኔኒ ኢቲ ሳቲያ ጊደን ኔ ፒርዳ አካዳ» ያጋና።

11 ኡንቱንቱ ማርካቢያ ጫና ሃዋፔ ሲንፋናው ሻሚያባይ ባይና ዲራው፤ ሳባን ዴዒያ ዛሊባንቻቱ ሄ ካታማቲው ዋሳናኔ ካዮታና።

12 ኡንቱንቱ ዋርቃ፤ ቢራ፤ ቦንቾ ሹቻ፤ ኢንቁዋ ጌቲቲያ አልዎ ሹቻ፤ ቲራ ኦቻ ማላቲያ ማዩዋ፤ ሱፊያ ማላ ማዩዋ፤ ሃሪያ ጌቲቲያ ማዩዋ፤ ዞዎ ማዩዋ፤ ኡባ ቆሞ ሳዊያ ሚላ፤ ኡባ ቆሙዋን ኦሌዳ ዳንጋርሳ አቻ፤ አልዎ ሚላፔ ሜዴቲዳባ፤ ናሃሲያ፤ ቢራታ፤ ኢቢኔቤሬዲያ ጌቲቲያ ሹቻ፤ 13 ቃራፋ፤ ቂማሚያ፤ ኢፃና፤ ሽቲዋ፤ ሳዊያ ኢፃና ጲሊያ፤ ዋዪኒያ ኤሳ፤ ዋጋራ ዛይቲያ፤ ሊቁዳ ጲሊያ፤ ዛርጋ፤ ሚዛ፤ ዶርሳ፤ ፓራኔ ፓራይ ጎቺያ ጋሪያ፤ ኡንቱንቱ አይሌቱዋኔ ሃራይ አቶ አሳ ሽምፑኔ ሻሚያባይካ ባዋ።

14 ዛሊባንቻቱ ሚሺራቲው፤

«ኔኒ አሞቲዳ

ሎዎባይ ኡባይ ኔፔ ሃሊዲጌዳ።

ኔ ዴዐኔ

አሌቁቲያባይ ኡባይ ጳዪዲጌዳ።

ኔኒ ሳዔንሶ

ኡንቱንታ ኡባካ ዴማካ»

18:7 ኢሳ 47:7-9    18:9 ሃዝ 26:16-17    18:11 ሃዝ 27:31፣ 36  
18:12 ሃዝ 27:12፣ 13፣ 22

ያጌዲኖ።

15 ሄ ካታማቲን ዛሊዲዳ ዲሬቴዳ ዛሊዲንቻቱ ኢዚ ኡጋው ያዪዳ፣ ኢፔ ሃኪዳ ኤቃና። ኡንቱንቱ ዩካናኔ ካዮታና። 16 ቃሲ፣ «ሱፊያ ጌቲቲያ

ከሪያን ዳዴቴዳ ማዩዋ፣  
ቴራ ኦቻ ማላቲያ  
ማዩዋኔ ዘያ ማዩዋ ማያዳ፣

ዋርቃ አሌቁዋን፣  
ቦንቾ ሹቻኒኔ

አንቁዋ ጌቲቲያ  
አልዎ ሹቻን አሌቁዳ፣  
ሄ ዋልቃማ ካታማቲው አዬር! 17 ሃዋ ከና

ዋልቃማ ማፁ ኡባይ  
ኢቲ ሳቲያ ጊዶን  
ዲፒ ጊ ጳዪ አጌዳ»

ያጌዲኖ።

ማርካቢያ ላጊያ ኡባቱ፣ ማርካቢያን ቢያ ኡባቱ፣ ማርካቢያን ኦሊያ ኡባቱኔ አባን ኦሊ ጎዔቲያ ኡባቱ ሃኪ ኤቁዲኖ። 18 ሄ ካታማታ ጉዳቲና ከሲያ ጨዋ ቤዔዳ ዋዴ ባሬንቱ ኮሻ ቶቁ ኡዲዳ፣ «ሃ ዋልቃማ ካታማቶ ማላቲያ ካታማይ ኡባካ ባዋ» ያጌዲኖ።

19 ኡንቱንቱ ባሬንቱ ሁጲያን ባና ቆሊዳ፣ ዋሴዲኖኔ ካዮቴዲኖ፤

«አባን ማርካቤቱ ዳዲያ ኡባ  
ባሬ ማፁዋን ዲሬዬዳ  
ዋልቃማ ካታማቲው አዬር!  
ቃሲ ኢዚው ዳዲያባይ ኡባይ  
ኢቲ ሳቲያ ጊዶን  
ጳዪ አጌዳ።

20 ሄ ካታማታ ጳዬዳ ዲራው፣  
ሳሎ፣ ናሹታ!

ጌሻቶ፣ ዩሱሲ ከቴዳዋንቶ፣  
ናባቶ፣ ናሹቲቲ!  
አዪሲ ጎፔ፣

ኢዛ ሂንቲንታ ኦሌዳዋ  
ዲራው ያሳይ ኢዘ ፒርዳዳ» ያጌዳ።

---

18:15 ሂዘ 27:31፣ 36    18:17 ኢሳ 23:14፤ ሂዘ 27:26-30    18:18 ሂዘ 27:32    18:19 ሂዘ 27:30-34    18:20 ዛር 32:43፤ ኤርሞ 51:48

21 ሄዋፔ ጉዲያን፥  
 ዋልቃማ ኪታንቻይ  
 ዋፃ ማላቲያ ዋልቃማ ሹቻ  
 ዴንሴ ኣባን ኦሊዴ ሃዋዳን ያጌዳ፤  
 «ዋልቃማ ካታማታ  
 ባቢሎና ሱጊና፥  
 ሃዋዳን ኩንዳና፤  
 ኢዛ ሃቼፔ ሲንፋው  
 ኡባካ ቤቱኩ።

22 ዲላ ዲዲያዋንቱኔ  
 ማዚሙሪያ ዩዲያዋንቱ፥  
 ሱሱሊያኔ ማላካታ ፑኒያዋንቱ  
 ኮሻይ ሃዋፔ ሂኒ ባጋን  
 ኔ ጊዶን ኡባካ ሲሴቴና።  
 ኩሺያ ሂላ ኤሪያ ኦኒኔ  
 ላዔል ኡባካ ዴዔና።

ዋፃ ኮሻይካ  
 ሃዋፔ ሲንፋው ኔ ጊዶን ሲሴቴና።

23 ጾምፒያ ፖዑካ  
 ላዔል-ዋ ኔ ጊዶን ፖዔና።  
 ኦኪያዋ ኮሻይኔ  
 ጌሌዉኒ ኮሻይ  
 ሲንፋው ኔ ጊዶን ሲሴቴና።  
 ኔ ዛሊዳንቻቱ ሳዓ  
 ኡባን ኤሬቴዳ ዋልቃማቱዋ።  
 ኔ ቢቲያዋን ኣሳ ዛሪያ ኡባይ  
 ጨማቴዳ።

24 ናባቱዋ ሱላይ፥  
 ጌሻቱዋ ሱላይኔ  
 ሳዓን ሃይቄዳ ኡባቱዋ ሱላይ  
 ኢዚን ቤቴዳ ዲራው፥  
 ባቢሎና  
 ሙሬታዲ»  
 ያጌዳ።

---

18:21 ኤርም 51:63-64፤ ሃዝ 26:21      18:22 ሃዝ 26:13፤ ኢሳ 24:8  
 18:22 ኤርም 7:34፤ 25:10      18:24 ኤርም 51:49

# 19

1 ሄዋፔ ጉዩያን፣ ሳሉዋን ጮራ አሳ ኮሻዳን ኮሹሚያ ዋልቃማ ኮሻይ ሃዋዳን ያጊያዋ ታኒ ሲሳዲ፤

«ዖሳ ጋላታይ ጋኮ።

አቶቴሳይ፣

ቦንቹኔ ዋልቃይ

ኑ ዖሳሳ።

2 አ ፐርዲይ

ቱሙዋኔ ያሉዋ።

ጮራታዴ ሳባ ቱኒሴዳ

ዋልቃማ ጮራቶ

ዖሳይ ፐርዴዲ፤

ዖሳ አሳንቻቱዋ

ኢዛ ዋዴዳ ዲራው፣

ዖሳይ ኢዛ ሙሬዳ»

ያጌዲ።

3 አሳይ ላዒንሉዋ ባሬ ኮሻ ዶቄ ኡዲዴ፣

«ዖሳ ጋላታይ ጋኮ።

ሄ ካታማታ ሜዲ ሜዲናው ጨዋታና»

ያጌዲና።

4 ላታማኔ አይዲ ጨማቱኔ ሸምፑዋና ዴዒያ አይዲ ሜዴታቱ ካዉቴላ አይዲያን ኡቴዳ ዖሳው ጉፋኒዴ፣ «አሜንዲ። ዖሳ ጋላታይ ጋኮ» ያጊዴ ሳዩኔዲና።

## ደርሳ ቡላቻው ያሲያ ያሳ

5 ሄዋፔ ጉዩያን፣

«ዖሳ አይላቱ ኡባይ፣

ዖሳው ያዩያ ጉላይ፣

ዳሩ ኡባይ ኑ ዖሳ

ጋላቲቱ»

ያጊያ ኮሻይ ካዉቴላ አይዲያፔ ኬሴዳ።

6 ሄዋፔ ጉዩያን፣ ጮራ አሳዳን ኮሹሚያ፣ ዋልቃማ ሻፋዳን ጉሚያ፣ ዋልቃማ ጉጉንፋዳን ጉጉሚያ ኮሻ ታኒ ሲሳዲ። ሄ ኮሻይ፣ «ዖሳ ጋላታይ ጋኮ።

አዩሲ ሳፔ፣

ኑ ሳዲይ፣

ኡባፔ ዋልቃማ ዖሳይ

ካውቲዳ።

7 ደርሳ ቡላቻ

ጋላሳይ ጋኬዳ ዲራውኔ

ጌሌውናካ ቡላቻው

ባሬና ገገሴዳ ዲራው።

ኩነ ፓሺኮይቲኔ ናሼቶይቲ፤

ቃሲ ደርሳ ቦንቸይቲ።

8 ጌሌውኒው ማያናው

ሱፊያ ጌቲቲያ

ከሪያን ዳዴቲዳ

ጳሊያ ቦላ ማዩ ኢሜቲዳ።

ሱፊያ ጌቲቲያ

ከሪያን ዳዴቲዳ ማዩ

ጌሻቱዋ

ዲሎ ኦሱዋ»

ያገያዋ፣ ታኒ ሲሳዲ።

9 ሄዋፔ ጉዩያን፣ ከታንቻይ ታና፣ « (ደርሳ ቡላቻው ያሰታደዋንቱ እንጃታደዋንታ) ያጋዴ ፃፋ» ያገደ። ሄ ከታንቻይ ቃሲካ ታና፣ «ሃዋ ያሳ ቱሙ ቃላ» ያገደ።

10 ሄዋፔ ጉዩ ታኒ አው ጎዩናናው አ ጌዲያን ኩንዳዲ። ሺን ኢ ታና፣ «ሄዋ ኦሳፓ። ታኒ ኔ ማላኔ ዩሱሲ ኡንቱንቱሲ ቆንጨሴዳ ቱማቲላ ኦይቄዳ ኔ ኢሻቱዋ ኡባ ማላ አይሊያ። ያሳው ጎዩና። አዩሲ ጎፔ፣ ዩሱሲ ቆንጨሴዳ ቱማቲላይ ቲምቢቲያ ኦዲያዋ ዴንጼሊያዋ» ያገደ።

**ቦላ ፓራ ቶጌዳዋ**

11 ያቲና፣ ሳሉ ዶዩቲዳዋ ታኒ ቤዓዲ። ሄዋን ቦላ ፓራይ ዳዔ፤ ሄ ፓራ ቶጌዳዋ አማኔቲያዋን ቱማንቻ ገዴ ያሰታ። ቶጌዳዋ ዲሎቲላን ፒርዴኔ ባሬ ኦላካ ኦሎቲ። 12 አ አይፊ ታማ ላጩዋ ማላቲ፤ ቃሲ ኢ ባሬ ሁጲያን ዳሮ አከሊሊያ ዋሌዳ። አ ቦላ ፃፊቲ ኡቲዳ ሱንሳይ ዳዔ፤ ሺን ሄ ሱንሳይ አዩንቶኔ አፔ አቲን፣ ኦኒኔ ኤሬና። 13 ኢ ማዩዳ ማዩ ሱላን ሙኪ ኬሴዳዋ። አ ሱንሳይካ ያሳ ቃላ። 14 ሳሉዋ ዋታዳራቲ ቦላ ጌሻ ሱፊያ ጌቲቲያ ከሪያን ዳዴቲዳ ማዩዋ ማዩዴ፣ ቦላ ፓራቱዋ ቶገዴ፣ አ ጌዲዋ ካሊኖ። 15 አሳ ዜሬላ ኢ ጳዩሲያ ኩሳ ማሻይ አ ደናፔ ኬሴ። ቢራታ ፃምዓን አሳ ኢ ሞዳና። ኡባፔ ዋልቃማ ያሳይ ባሬ ሃንቁዋ

19:6 ሂዝ 1:24፤ ማዝ 93:1፤ 97:1፤ 99:1    19:11 ሂዝ 1:1፤ ማዝ 96:13፤  
ኢሳ 11:4    19:12 ዳን 10:6

ዎዲኒያ ኤሳይ ጉሚዒቲያሳን፣ ጉሚዒዲ ቤሳና። 16 እ ማዩዎ ቦላኔ እ ዎዲሪያ ቦላ፣ «ካታቱዎ ካቲያኔ ጎዳቱዎ ጎዳ» ያገያ ሱንሳይ ፃፊቲ ኡቲዳ።

17 ሄዎፔ ጉዩያን፣ ታኒ ኢቲ ኪታንቻይ አዋን ኤቁዳዎ ቤዓዲ። ሄ ኪታንቻይ ሳሉዎን ጶቁዴ ፓሊያ ካፋዎ ኡባቶ ባሬ ኮሻ ጶቁ ኡዲዴ፣ «ሃ ዩቲ። ያሳ ካዉዎሲ ኢቲሳዓ ሺቁቲ። 18 ዩዴ ካታቱዎ አሹዎ፣ ሻላቃቱዎ አሹዎካ ዎታዳራቱዎ አሹዎ ሚቲ፤ ፓራቱዎ አሹዎካ ፓራቱዎ ቶጌዳዎንቲ አሹዎካ ሚቲ፤ ቃሲ አሳ ኡባ አሹዎ አይሊያዎኔ ዎማኑዎ፣ ጶቃዎኔ ሆካዎ ሚቲ» ያጌዳ።

19 ፓራ ቶጌዳዎናኔ እ ዎታዳራቱዎና ኦሌታናው፣ ደዓይኔ ሳዓ ካታቱ ቃሲ ኡንቲንቲ ዎታዳራቱ ኢቲ ሳዓ ሺቁ ኡቲዳዎንታ ታኒ ቤዓዲ። 20 ሄ ደዓይ እ ስንሳን ማላታ ኦሌዳ ዎርዶ ናቢያና ኢቲፔ ኦይቁቲዳ። ደዓ ማላይ ዴዒያዎንታኔ ደዓ ሚሲሌው ጎዩኔዳዎንታ ኢ ባሌሌዳዌ ሄ ኦሊያ ማላታቱዎና። ደዓይኔ ዎርዶዎ ቲምቢቲያ ኡዲያዌ ላዓቲካ ዲኒያን ኤዒያ ታማ አባን ፓፃ ዩጌቲዲና። 21 ኡንቲንቲ ዎታዳራቱ ፓራ ቶጌዳዎ ደናፔ ኬሲያ ማሻን ሃይቁዲና። ካፋቲ ኡባቲ ኡንቲንቲ አሹዎፔ ባሬንቶ ዲንዳዬዳዎ ኬና ሜዲና።

# 20

## ሻዓ ላይላ ካዉቲላ

1 ጨዎ ኦላ ቁልፒያኔ ዎልቃማ ሳንላላታ ባሬ ኩሺያን ኦይቁዳ ኢቲ ኪታንቻይ ሳሉዎፔ ዩያዎ ታኒ ቤዓዲ። 2 ኪታንቻይ ዳዎያ፣ ሄ ቤኒ ሾሻ፣ ፃላሂያ ካቸዎ ዎይ ሴፃና ገያዎ ኦይቁዳ፤ ያቲዴ ሻዓ ላይላው ቃቹዳ። 3 ኪታንቻይ ጨዎ ኦላን እ ዩጊዴ፣ ሻዓ ላይላይ ዉራናው፣ አሳ ዜሬላ ላዔሉዎ ባሌቲና ማላ፣ ሄ ጨዎ ኦላ ቁልፒ ጎርዲዴ አታሜዳ። ሄዎፔ ጉዩያን፣ ዳዊ አማሬዳ ዎዲያ ቢሌታናው ቤሴ።

4 ሄዎፔ ጉዩያን፣ ታኒ አራታቱዎኔ ኡንቲንቲን ኡቲዳዎንታ ቤዓዲ፤ ኡንቲንቲሲ ፒርዲያ ማታይ ኢሜቲዳ። ዩሱሲ ቆንጨሴዳ ቱማኔ ያሳ ቃላ አዎጃዳ ዲራው፣ ባሬንቲ ቆዲያ ቃንፃቲዳ አሳ ሺምቸዎካ ታኒ ቤዓዲ። ኡንቲንቲ ደዓው ዎይ ደዓ ሚሲሌው ጎዩኒቤይኪና። ኡንቲንቲ ደዓ ማላ ባሬንቲ ዴሙዎን ዎይ ባሬንቲ ኩሺያን ዎላቤይኪና። ኡንቲንቲ ሃይቁዎፔ ዴንዲዳ።

19:15 ማዝ 2:9፤ ኢሳ 63:3፤ ኢዩ 3:13፤ ሳሕ 14:20      19:17 ሄዝ 39:17-20  
20:2 ደዎ 3:1

ኪሪሰቶስና ኢቲፔ ካቴቱዋዳን ሻዓ ላይላው ሞዴዲኖ።  
 5 ሃይቁዳዋንቱ፣ ጮራቱ ሻዓ ላይላይ ወራና ጋካናው፣ ሃይቁዋ፣  
 ዴንዲቤይኪኖ። ሄዌ ኮይሮ ዴንዲዋ። 6 ኮይሮ ዴንዲዋን  
 ዴንዲዋንቱ ኣንጄቴዳዋንታኔ ያሳ ኣሳቱዋ። ኡንቱንቱ ቦላ  
 ላዔንሶ ሃይቆ ዋልቃይ ባዋ። ኡንቱንቱ ያሳሲኔ ኪሪሰቶሳሲ  
 ቁሳቱዋ ጊዳና፤ ኡንቱንቱ ኣናና ኢቲፔ ሻዓ ላይላው ሞዴኖ።

**ሴፃናይ ዖኔቴዳ**

7 ሻዓ ላይላይ ወራዳዋ፣ ጉዩያን፣ ሴፃናይ ቃሹዋ፣ ቢሌታና።  
 8 ኢ ሳባን ኡባሳን ዴዒያ ኣሳ ዜሬላ ባሌላናው ኬሳና፤ ሄዌ ጎጋኔ  
 ማጎጎ ጌቲቲያዋ። ሴፃናይ ኣባ ሻፊያ ኬና ዜሬላ ኦላው ሺሻና።  
 9 ሄ ዛሬቱ ቢታ ኡባ ማዩዴ ጌሻቱዋ ሄራኔ ያሳይ ሰቂያ ካታማቶ  
 ዩዩ ኣጲ ኤቁዲኖ። ሺን ታማይ ሳሉዋ፣ ዋጲዴ፣ ኡንቱንታ ሜዳ።  
 10 ደዓይኔ ዋርዶ ናቢ ዩጌቴዳ ኤዲያ ዲኒያ ታማ ኣባን ፃላሂያ  
 ካፑ፣ ኣሳ ዜሬላ ባሌሌዳዎ፣ ዩጌቴዳ፣ ኡንቱንቱ ቃማኔ ጋላሲ  
 ሜጲ ሜጲናው ፓፃ ካዔታና።

**ወርሴላ ፐርዳ**

11 ሄዋ፣ ጉዩያን፣ ታኒ ዋልቃማ ቦላ ኣራታኔ ሄ ኣራታን ኡቴዳዋ  
 ቤዓዲ። ሳባይኔ ሳሉ ኣ ሲንሳ፣ ባቃቴዲኖ፤ ላዔንሶ ቤቲቤይኪኖ።  
 12 ሃይቁዳዋንቱ፣ ቶቁ ጊያዋንቱኔ ጉላቱ ኣራታ ሲንሳን  
 ኤቁዳዋንታ ታኒ ቤዓዲ። ማፃፋቱ ደዩቴዲኖ፤ ሃራ ማፃፋይ፣  
 ዴዑዋ ማፃፋይካ ደዩቴዳ። ሃይቁዳዋንቱ ባሬንቱ ኦሱዋዳን፣  
 ማፃፋቱዋን ፃፊቲ ኡቴዳዋዳንካ ፐርዴቴዲኖ። 13 ኣባይ ባሬ  
 ጊዶን ዴዒያ ሃይቁዳዋንታ ኢሜዲ፤ ሃይቁኔ ሲያሊ ባሬንቱ  
 ጊዶን ዴዒያ ሃይቁዳዋንታ ኢሜዲኖ። ኡባይካ ባሬንቱ ኦሱዋዳን  
 ፐርዴቴዲኖ። 14 ሄዋ፣ ጉዩያን፣ ሃይቁኔ ሲያሊ ታማ ኣባን  
 ዩጌቴዲኖ። ሄ ታማ ኣባይ ላዔሶ ሃይቁዋ። 15 ዴዑዋ ማፃፋን  
 ባሬ ሱንሳይ ፃፊቲቤና ኣሳይ ኦኒኔ ታማ ኣባን ዩጌቴዳ።

**21**

**ኦራላ ሳሉዋኔ ኦራላ ሳባ**

1 ሄዋ፣ ጉዩያን፣ ታኒ ኦራላ ሳሉዋኔ ኦራላ ሳባ ቤዓዲ። ኮይሮ  
 ሳሉኔ ኮይሮ ሳባይ ቆዩዳ። ኣባይካ ቆዩዳ። 2 ጌሻ ካታማታ ኦራላ

---

20:4 ዳን 7:9፣ 22    20:8 ሃዝ 7:2፣ 38:2፣ 9፣ 15    20:11 ዳን 7:9-10  
 21:1 ኢሳ 65:17፣ 66:22፣ 2ጵፅ 3:13



ዬሩሳላሜ፡ ባሬ አሲናው ማያዴ ገጌዳ ጌሊያ ዎድሮ ናቲዳን፡ ገጋ ኡቲዳውና ሳሉዋፔ ያሳ ማታፔ ዲጌ ዎዴውኖ ታኒ ቤዓዲ።

3 ዎሊቃማ ኮሻይ አራታፔ ሃዋዳን ያገደ፡ ሃሳዪሺን፡ ታኒ ሲሳዲ፤ «ያሳ ጎሊ አሳና ዴዔ፤ ያሳይ አሳና ኢቲፔ ዴዓና። ኡንቱንቱ ኣ አሳ ገዳና፤ ያሳይ ባሬ ሁጹው ኡንቱንቱና ዴዓና። ኢ ኡንቱንቱ ያሳ ገዳና። 4 ያሳይ ኡንቱንቱ ኣይፊያ ኣፉላ ኡባ ቁጫና። ሃዋፔ ሲንላናው ሃይቁኔ ካዩ ዎይ ዋሱኔ ሳኩ ባዎ። ኣዪሲ ጎፔ፡ ኤጫባይ ዳዩዳ» ያጌዳ።

5 አራታን ኡቲዳዌ፡ «ታኒ ኡባባ ኦራዒሳይ» ያጌዳ። ቃሲካ ጉጂዴ ታና፡ «ታኒ ሃሳዪያዌ አማኔቲያዎኔ ቱማ ገዲያ ዲራው ያፋ» ያጌዳ። 6 ቃሲካ ታና ሃዋዳን ያጌዳ፤ «ፖሌቲዳ። ታኒ ኣልፋኔ ኦሚጋ፤ ዶሜላኔ ፖሉዋ። ሳሜቲዳ ኦናኔ ታኒ ዴዐዋ ሃላ ፑልቱዋፔ ጮ ኡሻና። 7 ያኒያ ኡራይ ኦኒኔ ሃዋ ኡባ ላታና። ታኒ ኣው ያሳ ገዳና፤ ኢካ ታ ናዓ ገዳና። 8 ሺን ያዪያዎንቱ፡ አማኔናዎንቱ፡ ቱናቱ፡ ሺምፑዋ ዎዴያዎንቱ፡ ዎሹሚያዎንቱ፡ ቢቲያዎንቱ፡ ኤቃሲ ጎዪኒያዎንቱኔ ዎርዶቲያዎንቱ ኡባይ ዴዒያ ሳዒይ ታማይኔ ኤዒያ ዲኒ ኤዒያ ኣባ ገዳናዎ። ሄዌ ላዔንላ ሃይቁዋ» ያጌዳ።

**ኦራላ ዬሩሳላሞ**

9 ላፑ ወርሴላ ቦሻቱ ኩሜዳ ላፑ ከሬቱዋ ኣይቁዳ ላፑ ከታንቻቱዋፔ ኢቱ ታኩ ዪዴ ታና፡ «ሃ ያ። ታኒ ኔና ጌሌውኖ ዶርሳ ማቻቶ ቤሳና» ያጌዳ። 10 ከታንቻይ ታና ዳሮ ቋቃ ዴሪያ ሁጹያ ኣያናን ከሲዴ ጌሻ ካታማታ፡ ዬሩሳላማ ሳሉዋፔ ያሳ ማታፔ ዲጌ ዎዴውኖ ታና ቤሴዳ። 11 ሄ ካታማታ ያሳ ቦንቱዋን ፖዓው። ሄ ካታማቲ ፖው ያሰጺዲያ ጌቲቲያ ኣልያ ሹቻ ማላ፤ ቦሪሊያዳን ጸላው። 12 ሄ ካታማቲው ታማኔ ላዑ ፔንጌቱኔ ሄ ፔንጌቱዋን ታማኔ ላዑ ከታንቻቱ ናገያ ዎልቃማ ኣዲሳ ዲርሳይ ዴዔ። ፔንጌቱዋን ታማኔ ላዑ ኢስራዔሊያ ዛሬቱዋ ሱንላይ ያፌቲ ኡቲዳ። 13 ኣዋይ ዶሊያ ባጋና ሄዙ ፔንጌቱ ዴዒኖ። ቃሲ ሃርኪ ባጋና ሄዙ ፔንጌቱኔ ሁጹሳ ባጋና ሄዙ ፔንጌቱ ዴዒኖ። ኣዋይ ወሊያ ባጋናካ ሄዙ ፔንጌቱ ዴዒኖ። 14 ካታማቲ ዲርሳይ ዶርሳይ ከቲዳ ታማኔ ላዒቱዋ ሱንላይ ያፌቲዳ ታማኔ ላዑ ሹቻቱዋ ቦላ ገምቤቲዳ።

---

21:2 ኢሳ 52:1፤ 61:10፤ ሳሳ 3:12      21:3 ሂዝ 37:27፤ ዎግ 26:11፤ 12  
21:4 ኢሳ 25:8፤ 35:10፤ 65:19      21:7 2ሳም 7:14፤ ማዝ 89:26-27  
21:10 ሂዝ 40:2      21:12 ሂዝ 48:30-35

15 ታናና ሃሳዬዳ ኪታንቻው ካታማቶ፡ ኢዚ ፔንጌቱዋኔ ኢዚ ዲርሳ ሊኪያ ዋርቃ ጋቲማይ ዳዔ። 16 ካታማቲው ኦይዲ ጋፃይ ዳዔ፤ ካታማቲ ጌሳይኔ ጎምፓይ ኢቲ ማላ። ኪታንቻይ ካታማቶ ባሬ ጋቲማን ሊኪዳ። ካታማታ ላዑ ሻዓኔ ላዑ ፃቱ ኪሎ ሚቲሪያ ጌዳዲ፤ ካታማቲ ጌሳይ፡ ጎምፓይኔ ዶቃቲሳይ ኢቲ ማላ። 17 ኪታንቻይ ቃሲ ዲርሳካ ሊኪዳ። ኣሳ ኩሺያን ኢቲ ፃታኔ ኦይታማኔ ኦይዲ ዋቆ ጌዳዳ። ሄዌ ኦኒኔ ሊኪያ ኦጊያን ኪታንቻይ ሊኪናዳ።

18 ካታማቲ ዲርሳይ ያሰጸዲያ ጌቲቲያ ሹቻን ዲሬቲዳ። ካታማታ ቢሪሊያዳን ጸሊያ ጌሻ ዋርቃን ሜዴታዲ። 19 ካታማቲ ዲርሳው ሃፃቲዳ ሹቻይ ቦንቹቲዳ ሹቻ ኡባን ኣሌቁቲዳ፤ ኮይር ሃፃቲዳ ሹቻይ ያሰጸዲያ፤ ላዒንሉ ሳምፔሪያ፤ ሄዘንሉ ኬልቁደኒያ፤ ኦይዴንሉ ባሉሪያ፤ 20 ኢቹሽንሉ ሳርደንኪሳ፤ ኡሱፑንሉ ሳርዲዮና፤ ላፑንሉ ኪሪሰቲሎባ፤ ሆሰፑንሉ ቢራሊ፤ ኡዲፑንሉ ቶጸዚዮኒያ፤ ታሙንሉ ኪሪሰጸራሲሳ፤ ታማኔ ኢቲንሉ ያኪንቲያ፤ ታማኔ ላዒንሉ ኣሚቲሰፂናሲያ።

21 ታማኔ ላዑ ፔንጌቱ ታማኔ ላዑ ኢንቁዋ ጌቲቲያ ኣልፃ ሹቻ፤ ኢቲ ኢቲ ፔንጌ ኢቲ ኢንቁዋን ኦሴቲዳ። ካታማቲ ኦጊ ቢሪሊያ ማላ ጌሻ ዋርቃ።

22 ጎዳይ፡ ኡባፔ ዋልቃማ ያሳይኔ ደርሳይ ካታማቲ ጌሻ ጎሊያ ጌዲያ ዲራው፡ ታኒ ሄ ካታማቲን ጌሻ ጎሊያ ቤዓቤይኬ።

23 ካታማቲው ፖዒያ ኣዋይ ዋይ ኣጌናይ ኮሺና። ኣዪሲ ጎፔ፡ ያሳ ቦንቹ ሄ ካታማቲን ፖዒ፤ ደርሳይካ ሄ ካታማቲው ያምፒያ።

24 ኣሳ ዜሬላይ ካታማቲ ፖውዋን ሃሚታና። ሳሳ ካታቲካ ባሬንቲ ቦንቹዋ ሄ ካታማቲኮ ኣሃና። 25 ካታማቲ ፔንጌቱ ኡባ ጋላሲካ ደያ ዳዓና፤ ኡባካ ጎርዴቲኪና። ኣዪሲ ጎፔ፡ ሄዋን ቃማይ ባዋ።

26 ኣሳ ዜሬላ ጌታቲላይኔ ቦንቹ ሄ ካታማቲኮ ሺቃና። 27 ሺን ቱናባይ ዋይ ካዉሻባ ኦሊያዌ፡ ዋይ ዋርዶቲያዌ ኦኒኔ ሄ ካታማቶ ጌሌና። ቃሲ ደርሳ ዳዑዋ ማፃፋን ሱንሳይ ፃፊቲዳዋንቲ ፃላላይ ሄ ካታማቶ ጌላና።

## 22

1 ሄዋፔ ጉዪያን፡ ኪታንቻይ ታና ያሳ ካዉቲላ ኦይዲያፔኔ ደርሳ ካዉቲላ ኦይዲያፔ ጎጊያ ቢሪሊያዳን ጸሊያ ዳዑዋ ሃሳ

---

21:15 ሂዝ 40:3      21:18 ኣሳ 54:11-12      21:23 ኣሳ 60:19-20  
 21:24 ኣሳ 60:3      21:27 ኣሳ 52:1፤ ሂዝ 44:9

ሻፋ ቤሴዳ። 2 ሄ ሻፋይ ካታማ ኦጊያ ጊዲዋና ዲጌ ጎጌ። ሻፋፔ ሄፊንፋ ባጋናኔ ሃፊንፋ ባጋና ኣጌናን ኢቲ ጌዴኔ ላይፋን ታማኔ ላዑ ጌዳ ኣይፊያ ዳዑዋ ሚላይ ዳዑ። ሄ ሚላ ቦንቹ ዳዒያዌ፣ ዛሬያ ኡባ ሃርጊያፔ ፓሳናሳ።

3 ሄ ካታማን ያሳ ሺቃይ ኣይኔ ባዋ። ያሳ ካዉቱላ ኦይዲኔ ደርሳ ካዉቱላ ኦይዲ ሄ ካታማን ዳዒና። ያሳ ኦሳንቻቱ ያሳው ጎዪናና። 4 ኡንቱንቱ ኣ ዳሙዋ ቤዒና፤ ኣ ሱንሳይ ኡንቱንቱ ዳሙዋን ፃፊታና። 5 ሄዋፔ ሲንሳው ሃራ ቃማይ ባዋ። ኡንቱንቶ ያምፒያ ዋይ ኣዋ ፖዑዋ ኮሺና፤ ኣዪሲ ጎፔ፣ ጎዳይ ያሳይ ኡንቱንቱሲ ያምፒያ ጊዳናዋ። ኡንቱንቱ ሜጲ ሜጲናው ካዉታና።

**ዬሱሳ ዩሳ**

6 ሄዋፔ ጉዪያን፣ ኪታንቻይ ታና ሃዋዳን ያጌዳ፤ «ሃ ታኒ ሃሳዪያዌ ቱሙዋኔ ኣማኔቲያዋ። ናባቶ ባሬ ጌሻ ኣያና ኢሚያ ጎዳይ ያሳይ፣ ማታን ሃናናው ቤሲያዋ ባሬ ኦሳንቻቱዋ ቤሳናው ባሬ ኪታንቻ ኪቱዳ» ያጌዳ።

7 ዬሱሲ፣ «ቤዒ! ታኒ ኤሌካ ያና። ሃ ማፃፋን ዳዒያ ቲምቢቲያ ናጊያዋንቱ ኣንጃቱዳዋንታ» ያጌዳ።

8 ታኒ ዮሃኒሲ፣ ሃ ኡባባ ሲሳዲኔ ቤዒዳ። ታኒ ሃዋ ሲሴዳ ዋዴኔ ቤዒዳ ዋዴ፣ ሄዋ ታና ቤሴዳ ኪታንቻው ጎዪናናው፣ ኣ ጌዲያን ኩንዳዲ። 9 ሺን ኪታንቻይ ታና፣ «ሄዋ ኦሳፓ። ታኒ ኔናዲኒኔ ናቤ ጊዳዳ ኔ ኢሻቱዋዳን፣ ቃሲ ማፃፋን ዳዒያባው ኣዛዜቲያ ኡባቱዋዳን ኣይሊያ። ያሳው ጎዪና» ያጌዳ።

10 ሄዋፔ ጉዪያን፣ ኪታንቻይ ታና፣ «ሃናና ጌዳ ሃ ማፃፋ ቃላ ማታፋን ጎርዶፓ። ኣዪሲ ጎፔ፣ ሃ ኡባባይ ፖሌቲያ ዋዲ ማታቱዳ።

11 ኢታባ ኦሊያዌ ጉጂዳካ ኢታባ ኦሳ፤ ቱናይ ጉጂዳካ ቱኖ። ሎዖባ ኦሊያዌ ጉጂዳካ ሎዖባ ኦሳ፤ ጌሻይኔ ጉጂዳካ ጌሻ ጊደ» ያጌዳ።

12 ዬሱሲ፣ «ቤዒ! ታኒ ኤሌካ ያና። ኣሳ ኡባው ኣ ኦሱዋዳን ኢማናው፣ ታ ዋይታ ኣካ ያና። 13 ታኒ ኣልፋኔ ኦሚጋ፤ ኮይሩዋኔ ዉርሴላ፤ ደሜላኔ ፖሉዋ» ያጌዳ።

---

22:1 ሂዝ 47:1፤ ዛክ 14:8      22:2 ዶም 2:9፤ ሂዝ 47:12      22:3 ዛክ 14:11      22:5 ኢሳ 60:19፤ ዳን 7:18      22:11 ዳን 12:10      22:12 ኢሳ 40:10፤ 62:11፤ ማዝ 28:4፤ ኤርሞ 17:10      22:13 ሳፅ 1:8፣ 17፤ 2:8፤ ኢሳ 44:6፤ 48:12

14 ባሬንቱ ማዩዋ ጌሺ ሜጨያዋንቱ አንጃቲዳዋንታ። ዴዑዋ ሚላ አይፊያ ማናውኔ ካታማ ፔንጊያና ጌላናው ኡንቱንቱሲ ማታይ ኢሜቲዳ። 15 ሺን ካናቱ፣ ቢቲያዋንቱ፣ ዋሹሚያዋንቱ፣ ሼምፑዋ ዋዲያዋንቱ፣ ኤቃሲ ጎዪኒያዋንቱ፣ ባሬንቱ ሃሳያኒኔ ባሬንቱ ኪታን ዋርዶቲያዋንቱ ካሬና ዴዒኖ።

16 «ታኒ ዩሱሲ፣ ሃ ዩወዋ ሂንቲንቱሲ ዋሳ ጎሌቱዋን ማርካታና ማላ፣ ታ ኪታንቻ ኪታዲ። ታኒ ዳዊታ ጎሊያ ዩሌታ። ታኒ ፖዒሲያ ዋንታ ባካሊያ» ያጌዳ።

17 ጌሻ አያናይኔ ጌሌዉና፣ «ሃ ያ» ያጊኖ። ቃሲ ሃዋ ሲሲያዌ ኦኒኔ፣ «ሃ ያ» ያጎ። ሳሜቲዳ አሳይ ኦኒኔ ሃ ዮ። ዴዑዋ ሃላ ኮዪያ አሳይ ኦኒኔ ጮ አኮ።

18 ታኒ ሃ ማፃፋን ፃፌቲዳ ሃናና ጌዳ ቃላ ሲሲያ ኦናኔ ዘራይ። ኦኒኔ ሃ ቃላ ቦላ ኢቲባ ጉጃፔ፣ ያሳይ ሃ ማፃፋን ፃፌቲዳ ቦሻ አ ቦላ ጉጃና። 19 ኦኒኔ ማፃፋን ዴዒያ ቲምቢቲያ ቃላፔ አያኔ ፓጨሶፔ፣ ሃ ማፃፋ ጊዶን ቆንጨሴዳ ዴዑዋ ሚላ አይፊያፔኔ ጌሻ ካታማፔ አ ጋኪያ ጊሹዋ ያሳይ ፓጨሳና።

20 ሃ ኡባባው ማርካቲያዌ፣ «ቱማ! ታኒ ኤሌካ ያና» ያጌ። አሜንዒ። ጎዳ ዩሱሳ፣ ኔኒ ሃያ።

21 ጎዳ ዩሱሲ ኪሪሰቶሳ አዶ ከካቲላይ ሂንቲናና \* ኡባና ጊዶ። አሜንዒ።

---

22:14 ደሞ 2:9፤ 3:22      22:16 ኢሳ 11:1፣ 10      22:17 ኢሳ 55:1  
22:19 ዛር 4:2፤ 12:32      \* 22:21 ሂንቲናና፣ ጮራ ሃራ ቢሌላቱዋን፣ ያሳ አሳ ኡባና ያጌ።

**Ooratha Caaquwaa**  
**New Testament in Dawro (ET:dwr:Dawro)**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
585b63ca-b8e6-55c8-bfef-10bdc95ad69c